

儀禮經傳內編

儀禮經傳內編卷七

姜兆錫註疏參義

賓射之禮一之四

此周禮所謂以賓射之禮親故舊朋友也。○按與賓燕而射賓射即燕射也不云燕射而

云賓射者凡饗與食無射而燕與飲皆有射言燕恐不兼飲故言賓射以該之也然則其云以親故舊朋友何也賓而為故舊朋友誼彌切燕而為射情彌篤故親故舊朋友以之言親故舊朋友而凡當賓禮而親之者具其中矣詳見侯國族飲酒禮

士大夫故舊朋友射禮

見下

諸侯故舊朋友射禮

見下

王故舊朋友射禮

賓射自王下達而今大夫侯王禮並闕惟本經燕禮及周禮推詩畧可推其意耳始

探衛記

于左

記本經燕禮若射則大射正為司射如鄉射之禮

按賓射亦燕而射也但一

燕其臣僚客使而射一燕其故舊朋友而射為異耳周禮牛人饗食賓射供其膳牲之牛

鍾師饗食賓射鼓其金奏之樂賾賾賓射皆奏其鐘鼓典庸器

帥其屬而設筵簋陳庸器

按饗食無射燕則有射故賓射即燕射而將射必先陳鼎俎設音樂而為

也詩賓筵大侯既抗弓矢斯張射夫既同獻爾發功發彼有的

以祈爾嘏

抗猶張也發功謂發矢之功也賓射禮亦多矣如行革射在宗人車攻射在侯氏而故舊朋友其大也况

若懿親元勳之屬其為朋舊又二而一者哉

侯國州射禮

王國州射禮

此周禮州長與民習射之禮而侯國之州長亦如之也其禮闕與同並不可考今將周禮州長

職記

于左

記周禮州長春秋以禮會民而射于州序

義見州飲酒禮

侯國鄉射禮

此周禮鄉大夫既賓賢能退與眾庶習射之禮而侯國之鄉大夫亦如之也舊誤為州長習射

者非○按記古者卿大夫士之射也必先行鄉飲酒之禮二
禮畧同但中增射儀各章耳今以二禮參看其文與義並同
及文小有衍縮而義亦同者皆不贅
釋而特釋其異者于左學者詳之

鄉射之禮主人戒賓賓出迎再拜主人答再拜

鄉飲篇首有謀賓介節其戒賓云賓

拜辱主人答拜並與此異○注曰主人謂州長也鄉大夫若在焉
則主以鄉大夫矣出不拜辱者方習民以禮樂不主為賓已也州
禮鄉大夫獻賢能之書于王退而以鄉射之禮五物詢眾庶諸侯
之鄉大夫既貢士于其君亦知之故有此禮也疏曰按大射前三
日宰夫戒宰及司馬此不言日數者鄉射先行鄉飲酒鄉飲酒戒
賓與飲酒同日則此戒賓與射亦同日也又鄉大夫是諸侯之鄉
大夫則州長亦諸侯之州長諸侯之州長是士是以經云釋獲者
執鹿中而記云士鹿中也若天子之州長則中大夫為之矣五物
詢眾庶周禮鄉大夫職文按周禮五物一曰和二曰容三曰主皮
四曰和容五曰典舞彼注云和載六德容包六行也主皮和容典
舞則六藝中之射及禮樂與當射之時民必觀焉因詢之也愚按
周禮鄉大夫賓賢能訖退而習射今謂此為鄉大夫習射之禮而
州長放此則可謂此是州長習射之禮而臨以鄉大夫則因主以
鄉大夫也蓋失之矣至所釋五物之義雖甚大但此賓賢能之後

方思合民儲材豈能遽繩以備德耶考馬融論語注引此一曰和志卽此和也言其平心志也二曰和容卽此容也言其和威儀也三曰主皮與此同文言其審正鵠也四曰和頌古容頌通言其合音節也五曰興舞與此同文言其中舞蹈也其說皆本射以推于義爲安竊謂詢五物乃請賓禮辭許主人再拜賓答再拜鄉飲請之訓當以此正之

賓字義同後凡文異義同者不復釋但曰見鄉飲惟主人退賓送

再拜鄉飲云賓拜屬○注曰退還射官省錄射事也疏曰射無介

序賓之禮畧也愚按無介對鄉飲有介而言也

本記大夫與則公士爲賓與去聲○注曰公士爲賓不敢使鄉

鄉飲賓主則用處士也疏曰據此鄉射使鄉處士之無爵命者爲賓而有大夫來則不可以鄉人加于大夫故易使公士爲賓

也若鄉飲酒貢士則有大夫來不易使能不宿戒義見鄉飲

右戒賓

乃席賓南面東上衆賓之席繼而西席主人于阼階上西面鄉飲

席賓主人衆賓之席皆不屬焉○賓席猶鄉飲之牖間南面衆賓

猶其賓席之西主人猶阼階西面也但無介耳○注曰不干牖間

南面者此射于序也言繼者甫習衆庶未有所殊別也疏曰此射

于序鄉飲酒于序序有室而序無室無室則無戶牖設席亦當戶

牖之處耳言東上亦主人在東故席端在東耳不得以曲禮席南

向北向西力爲上解之也繼而西則未有別若鄉飲酒衆賓之席

不屬彼與賢能有別也愚按位相繼而不相屬蓋互見之文非有

別不別之分也鄉飲論之詳矣雖州長射于州序而經堂序並言

豈但尊于賓席之東兩壺斯禁左玄酒皆加勺饌在其南東肆鄉

序平尊于賓席之東兩壺斯禁左玄酒皆加勺饌在其南東肆鄉

云尊于戶牖間餘並文異義同○尊于賓席東猶言房戶間也○

注曰設尊者北面東曰右西曰左疏曰大夫用樹士尊用禁斯禁

卽樹也州長是士應言禁而言斯禁者其中兼有鄉大夫禮故言

斯禁與鄉飲酒同也左玄酒據人設尊北面故西爲左若以南面

爲正則地道尊右西爲設洗于阼階東南南北以堂深東西當東

右當云玄酒在右也

榮水在洗東饌在洗西南肆同鄉飲後凡文義並同者放縣于洗

東北西面

鄉飲記磬階間縮霤○注曰此縣蓋謂磬也縣于東方

磬者對大射之縣鐘磬鐃具有也縣東方以避射位若鄉飲酒無

射事則縣于階間矣按周禮小胥職王官縣諸侯軒縣大夫判縣

士特縣凡縣鐘磬半為堵全為肆而侯之卿大夫士則半王之卿

大夫士蓋王之卿大夫判縣者東西相各有鐘磬為肆若侯之卿

大夫判縣半之則分一肆于兩相東縣磬西縣鐘為堵也又王之

士特縣者東相有鐘與磬若侯之士特縣半之則但縣磬而已此

兼鄉大夫詢眾庶當為判縣而總云半天子之士

特縣無鐘者方以禮樂化士雖大夫亦同士禮也

不記尊給畢賓至徹之

疏曰凡醴皆不用幕質故也士冠士昏

無幕是也無用酒亦無幕者從禮于之質也或以尊獻畢則無

幕者燕禮君尊兩方壺有幕士旅食兩園壺則無幕皆禮也婦

尊于室內有幕腰御尊于房戶外則無幕是也鄉飲酒鄉射有

幕者無所厭故也賓至徹者未至忍塵加賓至則徹不復用也

燕禮君命徹幕未命不徹者蒲筵緇布純疏曰此與鄉人習禮

君尊久設忍塵重覆之也蒲筵緇布純雖公卿之尊無加席

也鄭注周禮云鋪陳曰筵藉之曰席其言筵席通但在地為筵

取鋪陳之義在上為席取承藉之義耳通解曰按鄭注周禮筵

席二字但謂一物而一名耳說非是西序之席北上注曰北上者眾賓統于賓也疏曰眾賓之席繼賓而

西南面東上今蓋謂眾賓有東面者則北上故記之也

右設位

乃張侯下綱不及地武不繫左下綱中掩束之

中如字此章為射設也鄉飲無○注

曰侯謂所射布也綱持舌繩也武迹也中人之迹尺二寸侯象人綱象足是以取數也掩束之者事未至也疏曰云中人之迹尺二寸無正文漢禮云五武成步步六尺據此而言也按梓人職上下綱出舌一尋注云象人張手足之節也侯下舌半上舌而綱皆出舌一等上廣下狹象人張足六尺張臂八尺然下綱象足是以取武為數也左下綱以西畔而言也按下記東方謂之右个注云侯以向堂為面也則左乃西也愚按中掩束之者以左下綱不繫因自其左廂向右斜攝之以掩其中而束之也此中字即記侯中之中音釋誤丁仲反而之參侯道居侯黨之一西五步注曰容謂之注又未訓故謹參之繁矢也侯道五十步凡三十丈而之去侯北十丈西三丈也疏曰堂謂旁也在侯西北邪向之故以旁言也乏參侯道居侯黨之六

者謂將侯道三分之居侯旁之一計侯道凡三十丈而乏所居凡
十丈也西五步者乏所居去侯十丈據侯道之正北而落西五步
凡三丈即所謂邪向之也云容謂之乏者乏以革爲之可以容身
故名容射人職三射三容是也其云乏者謂矢至此力乏矣故名
乏也獲者謂居侯間唱獲者也恐矢至其身故作此以禦矢矣乏
去侯遠近如此者一去侯十丈得避矢二去堂二十丈得聞唱獲
聲是其節也

本記凡侯天子熊侯白質諸侯麋侯赤質大夫布侯畫以虎豹

士布侯畫以鹿豕凡畫者丹質

注曰此所謂獸侯也燕射則張

而記此者天子諸侯之燕射各以其鄉射及賓射當張采侯二正
質赤質皆謂采其地其地不采者白布也熊麋虎豹鹿豕皆正
面畫其頭之象于正鵠之處耳其畫皆毛物之凡畫皆丹質者
賓射燕射之侯皆畫雲氣于側以爲飾而先以丹采其地也丹
淺于赤思按注說有合有離據所稱此謂獸侯固本考工記梓
人職之文所稱王侯之燕射各以其鄉射之禮而張此侯則又
本此經燕禮之文凡此皆于義合而所稱鄉射及賓射當張采
侯二正則背周禮射人職司夾職之文又稱賓射燕射之侯皆

蓋雲氣于側而先以丹采其地則更背本記之文凡此皆于義
離也按周禮王有大射燕射之二禮而其大射燕射各有王射
賓射之二節愚已與考各職辨諸周禮而注初未審其義謬以
大射燕射之禮與賓射分爲三禮而又臆分三侯以附之則汰
以事者益甚矣考射人職王以六耦射三侯樂以騶虞九節五
正諸侯以四耦射二侯樂以觀首七節三正大夫以三耦射一
侯樂以采蘋五節二正士以一耦射一侯樂以采芣五節二正
所謂三侯二侯一侯者言射侯而其謂五正三正二正者言樂
節而非言射侯也正讀去聲乃正補之正樂先歌以聽後歌以
射而以聽爲正也司農職王大射則其虎侯熊侯豹侯設其鵠
諸侯則其熊侯豹侯卿大夫則其麋侯皆設其鵠所謂熊虎豹
者即王以六耦射三侯而熊豹者即諸侯以四耦射二侯麋者
即卿大夫以三耦射一侯其不言士者士以一耦射一侯豹侯
賤也二職之符合如此如之何率以五正三正二正爲五采三
采二采之侯而因以當王三侯諸侯二侯卿大夫一侯之數也
且考工記梓人職云張皮侯而設鵠則春以功張五采之侯則
達國屬張獸侯則王以息燕據此則所謂張皮侯而設鵠者固
即司農所掌之各侯諸侯獻功王與之大射而射人治其法儀
者也五采之侯自是柔遠人之義而獸侯則王以之息燕制起
于上而用達于下故注本此而言也又如之何以柔遠人懷諸

侯之二禮混而爲一而率以五正三正二正者當之也據本記
白質爲天子之熊侯赤質爲諸侯之罽侯則丹質當屬大夫士
虎豹鹿豕之侯而注又以爲凡畫賓射燕射之侯皆先以丹采
其地是更何說耶夫經云凡者凡大夫與士非并凡王侯也亦
明矣文義之顯者尙率爲之詞又何怪其以五正三正二正之
節率訓爲五采三采二采之侯以滋之誤乎與附傳以亂經寧
本經以正傳幸鄉侯上个五尋中十尺上个謂侯之上廣也八
考禮者詳之尺曰尋中謂侯中之正
旁也上廣凡四丈卽梓人所謂上兩個與其
身三中方凡一丈卽梓人所謂廣與崇方也侯道五十弓弓二
寸以爲侯中倍中以爲躬倍躬以爲左右舌下舌半上舌五十
二寸言侯中所取數也卽所謂十尺也躬謂侯中之上與下也
倍躬者上與上各倍之也上下并其中有躬之象卽梓人所謂
其身而長凡三丈也左右舌謂躬之兩旁也言其左右出若人
之舒舌也上舌廣四丈所謂上兩個與其身三下舌半上舌廣
二丈所謂下兩個半之也上廣四丈而下舌乃止半上舌者侯
象人形上个象臂下个象足計中人之身張臂八尺張足六尺
此爲象也舊說廣崇
布數頗誤故謹正之

右張侯

奠定主人朝服乃速賓賓朝服出迎再拜主人答再拜退賓送再

拜鄉飲無兩朝服字云賓拜辱○注曰戒賓不言服速賓乃言朝服者射輕于鄉飲戒時但立端也疏曰按鄉飲酒賓禮重戒與

速賓俱朝服記云鄉朝服而謀賓介可見也此習禮輕故戒時立

端各時乃朝服公食大夫賓朝服卽位于大門外注云于是朝服則初時立端也故知此亦戒時立端矣賓及眾賓遂從之同鄉飲

本記其牲狗也亭于堂東北見鄉飲

右速賓

及門主人一相出迎于門外再拜賓答再拜揖眾賓同鄉飲但本篇無介故但

不言主人以賓揖先入賓厭眾賓眾賓皆入門左東面北上賓少

進鄉飲禮無東面字及賓少進句○注曰以猶與也少進差在前也主人以賓三揖皆行及階三

讓主人升一等賓升主人阼階上當楹北面再拜賓西階上當楹

北面答再拜

鄉飲無皆行二字一等二字○注曰三讓而主人先升一等賓不俱升者賓客之道進宜難也疏曰皆行

謂賓主既行

衆賓亦行也

〔本記〕立者東面北上

注曰立者謂賓黨也疏曰此謂一命及不命來觀禮者與堂下衆賓並皆東面北上

面立也

右迎賓

主人取爵于上篚以降賓降

鄉飲無上字

主人阼階前西面坐奠爵與

爵降賓

鄉飲云坐奠爵于階前

主人坐取爵與適洗南面坐奠爵于篚下

盥洗進東北面辭洗

同鄉飲

主人坐奠爵于篚與對賓反位

鄉飲云復

東面主人卒洗登揖讓以賓升賓西階上北面拜洗主人阼

階上北面奠爵遂答拜鄉飲主人之下有坐取爵沃洗者西北面九字拜上有遂字乃降賓降

主人辭降賓對乃降鄉飲主人卒盥壹揖壹讓升賓升西階上疑

立鄉飲卒盥上有復位當西序句餘亦小主人坐取爵實之賓席之前西北面獻賓

賓西階上北面拜主人少退鄉飲無升字北面字○疏曰此賓乃是鄉民猶言獻者此獻直是進物而

已言獻進之也賓進受爵于席前復位主人阼階上拜送爵賓少退見鄉飲

薦脯醢賓升席自西方乃設折俎主人阼階東疑立見鄉飲賓坐左

執爵右祭脯醢見鄉飲奠爵于薦西興取肺坐絕祭何左手齊之鄉飲

云右手取肺卻左手執本坐弗繅右絕末以祭此與加于俎坐挽不同者士禮但絕祭與大夫以上禮繅祭不同也

手執爵遂祭酒興席末坐啐酒見鄉飲降席坐奠爵拜告而執爵

主人阼階上答拜同鄉飲賓西階上北面坐卒爵興坐奠爵遂拜執

爵興主人阼階上答拜

同鄉飲

本記

凡獻用爵其他用解

注見鄉飲

凡舉爵三作而不徒爵

注見鄉飲薦

脯用籩五臠祭半臠橫于上醢以豆出自東房臠長尺二寸

音臠

職鄉飲記云薦脯五挺橫祭于其上出自左房○注曰脯用籩籩宜乾物也醢以豆豆宜濡物也臠猶鄉飲記所云臠也為記者異耳疏曰豆宜濡物而王制云一為乾豆者醢人注云作醢及醢者必先膊乾其肉乃細莖之雜以梁麴及鹽漬以美酒塗置醢中百日則成矣是乾以為豆實也愚按左房即東房也自南面言之東曰左西曰右俎由東壁自西階

升

注見鄉飲

賓俎脊脅肺主人俎脊脅肺肺皆離皆右體也進

奏

注見鄉飲今錄義互見者于左○離猶剝也腍膚理也進理謂前其本也右體周所貴也○疏曰少儀云牛羊之肺離而

不提心注云提猶絕也進腍與公食大夫禮同乃生人之食法少牢進下乃鬼神之食法云右體周所貴者左體殷所貴也

可以爵拜者不徒作

注見鄉飲

右主人獻賓

賓以虛爵降主人降

鄉飲云賓降洗○注曰以爵降亦將洗以酬主人也

賓西階前東面坐

奠爵與辭降主人對

鄉飲無西階前東面五字

賓坐取爵適洗北面坐奠爵于

篚下與盥洗主人阼階之東南面辭洗

鄉飲無奠爵于篚下五字

賓坐奠爵于

篚興對主人反位

鄉飲云主人復阼階東西面

賓卒洗揖讓如初升主人拜洗

賓各拜

鄉飲卒洗之上東北面盥也取爵句

興降盥如主人之禮

見鄉飲

賓升賓爵

主人之席前東面而酢主人主人阼階上拜賓少退

見鄉飲

主人進

受爵復值賓西階上拜送爵

見鄉飲

薦脯醢主人升席自北方乃設

折俎

見鄉飲

如賓禮不告旨

鄉飲云祭如賓禮

自席前適阼階上北面坐卒

爵興坐奠爵遂拜執爵興賓西階上北面答拜

鄉飲無北

主人坐

奠爵于序端阼階上再拜崇酒賓西階上答再拜鄉飲云北面再拜崇酒末但云

右賓酢主人

主人坐取觶于篚以降賓降主人奠觶辭降賓對東面立主人坐取觶洗賓不辭洗鄉飲云賓不辭洗立當西序東面卒洗揖讓升賓西階上疑立

主人實觶酬之阼階上北面坐奠觶遂拜執觶興賓西階上北面答拜鄉飲云實觶酬賓答拜上無北面二字主人坐祭遂飲卒觶興坐奠觶遂拜執

觶興賓西階上北面答拜鄉飲首無主人二字答拜上亦無北面二字主人降洗賓降

辭如獻禮升不拜洗賓西階上立見鄉飲主人實觶賓之席前北面

賓西階上拜主人坐奠觶于薦西賓辭坐取觶以興反位鄉飲云西階上

拜主人少退卒拜主人阼階上拜送賓北面坐奠觶于薦東反位進末云取觶復位見鄉飲

右主人酬賓

主人揖降賓降東面立于西階西當西序

鄉飲云賓降立于階西東面義亦同但彼主人

將與介為禮而賓降此則主人將與眾賓為禮而賓降耳

主人西南面三拜眾賓眾賓皆答一

拜同鄉飲

主人揖升坐取爵于序端降洗升實爵西階上獻眾賓

鄉飲

云取爵于西楹下蓋亦序端也

眾賓之長升拜受者三人主人拜送

同鄉飲

坐祭立

飲不拜既爵授主人爵降復位

同鄉飲

眾賓皆不拜受爵坐祭立飲

見鄉飲

每一人獻則薦諸其席

同鄉飲

眾賓辯有脯醢

同鄉飲

主人以虛

爵降奠于篚

見鄉飲

本記眾賓之長一人辭洗如賓禮

見鄉飲

樂正與立者齒

同鄉飲

右獻眾賓

揖讓升賓厭眾賓升眾賓皆升就席

鄉飲多賓厭介句

一人洗舉觶于賓

升賓觶西階上坐奠觶拜執觶興賓席末答拜

見鄉飲

舉觶者坐祭

遂飲卒觶興坐奠觶拜執觶興賓答拜

鄉飲無舉觶者三字義同

降洗升賓

西階上北面賓升舉觶者進坐奠觶于薦西賓辭坐取以興

者西階上拜送

鄉飲進字上無前舉解者三字

賓反奠于其所舉觶者降

鄉飲去賓坐奠

解于其所

右一人舉觶

大夫若有遵者則入門左

鄉飲遵入之文錯簡于禮畢後今以此篇正之但其禮與此篇頗異又鄉飲遵

兼諸公此以下及篇末皆不言諸公亦未詳或曰賓賢禮重故降以公而習射禮輕故公不降也○注曰大夫謂鄉人為大夫而來觀禮者也非鄉人禮亦然主于鄉人耳疏曰非鄉人禮亦然者同是鄉之大夫禮無異故也 主人降賓及眾賓

皆降復初位主人揖讓以大夫升拜至大夫答拜

以猶與也○注曰主人降迎大

夫于門內也不出門別于賓也皆復初位者不敢居堂俟大夫入也初位謂門內東面也疏曰前迎賓時賓厭眾賓皆入門左東面

北上是也

主人以爵降大夫降主人辭降大夫辭洗如賓禮

見獻席于賓章

尊東升不拜洗

注曰尊東明與賓夾尊也不言東上統于尊也疏曰前云尊于賓席之東則賓在尊西矣今大夫言

席于尊東明為賓夾尊可知也云不言東上統于尊也者此席于尊東繼尊而言下云大夫降席東南面降由下故知西上也升不

拜洗大夫尊故也

主人實爵席前獻于大夫大夫西階上拜進受爵反位

主人大夫之右拜送

疏曰反位者大夫反西階之位也

大夫辭加席主人對不去

加席

主上聲○注曰辭之者謙不以已尊加賢者也不去者大夫再重席正也賓一重席而已疏曰鄉射之禮鄉人為賓大夫

與則以公士為賓亦選賢者為之故云辭之者謙不以已尊加賢者也公三重大夫再重鄉飲酒文鄉人若公士為賓皆一重故辭之也愚按大夫雖合再重若有諸公則辭而委乃薦脯醢大夫升之此不去加席以無諸公故也鄉飲禮明矣

席設折俎

注曰大夫升席由東方疏曰大夫席西上升由下也愚按賓升席自西方大夫則升席自東方者大夫席于東

東故也

祭如賓禮不躋肺不啐酒不告旨西階上卒爵拜主人答拜

注曰凡所不者殺于賓餘則如賓也疏曰此外如上云不拜洗亦是殺于賓之類故云凡也

本記若有諸公則如賓禮大夫如介禮無諸公則大夫如賓禮

以經不言諸公故記明之也按如記所云是禮有重輕以諸公有至否為之衡也但經自此至篇末皆不言諸公則有諸公亦

補說

耳

右獻大夫

大夫降洗主人復阼階降辭如初

如初如凡辭降辭洗之屬○注曰將酢主人也大夫若衆則得

獻大夫長乃酢疏曰此據一大夫而言故獻大夫即酢按有司徹

主人洗爵獻長賓于西階上然後眾賓長升拜受爵宰夫贊主人

酌若是以徧乃升長賓是徧獻長乃酢也愚按如初如賓酢卒洗

主之時凡辭對奠拜降反之屬下文卒洗以下則明其異矣

主人盥揖讓升注曰盥者雖將酌自飲尊大夫不敢褻也愚按賓

大夫也故禮異也大夫授主人爵于兩楹間復位主人實爵以酢于西階

上坐奠爵拜大夫答拜賓酢主則賓為酌酢主拜賓送大夫酢主

也坐祭卒爵拜大夫答拜賓酢主有薦俎大夫酢主無主人坐奠

爵于西楹南再拜崇酒大夫答拜疏曰為士于旅乃入擬獻士故

端阼階上此大夫酢主主奠于西楹南亦異也主人復阼階揖降大夫降立于賓南注曰

賓樂之也降立賓南大夫雖尊不奪人之正禮也疏曰在堂則席

于尊東者大夫尊故也今欲使賓主相對行禮故降在賓下不則

妨其揖讓之正禮矣愚按鄉飲禮言公如大夫入主人降迎大夫

升辭之儀而餘則但云公升如賓禮大夫如介禮而已此遵入之

升辭之儀而餘則但云公升如賓禮大夫如介禮而已此遵入之

升辭之儀而餘則但云公升如賓禮大夫如介禮而已此遵入之

升辭之儀而餘則但云公升如賓禮大夫如介禮而已此遵入之

升辭之儀而餘則但云公升如賓禮大夫如介禮而已此遵入之

升辭之儀而餘則但云公升如賓禮大夫如介禮而已此遵入之

儀繁者明典賓
介禮多異也

右大夫酢

主人揖讓以賓升大夫及眾賓皆升就席

眾賓前已皆厭升矣為
遵入賓眾皆降迎而此

復升樂
之也

席工于西階上少東樂正先升北面立于其西

鄉飲但云
設席于堂

廉東上樂正先升在右手相之下○注曰言少東者不欲太東避

射位也疏曰燕禮注亦然燕亦容有射法也愚按此先言樂正升

鄉飲先言工

入蓋互文

工四人二瑟瑟先相者皆左何瑟面鼓執越內弦右

手相

注曰瑟先賤者先也而前也鼓在前變于君也越不言捲而
言執者內有弦結手入之淺也疏曰云瑟賤者按大射太師

少師歌衆工瑟是瑟賤也賤者先即事故得獻亦在前矣云變于

君者鄉射與大射相對大射君禮後首鄉射臣禮前首是乃君後

臣前燕禮與鄉飲酒亦相對燕禮君禮面鼓鄉飲酒臣禮後首是

又君前臣後故云變于君也瑟體首寬尾狹其間近首鼓處越孔

寬近尾不鼓處越孔狹是以鄉射與燕禮皆面鼓則皆云執越手

入淺故也大射與鄉飲酒皆後首則皆云捲越手入深故也愚按

注疏文于君之說受鼓即首也而之言前對後而言也鄉射禮
輕于鄉飲燕禮輕于大射鄉飲賓賢大射選士其禮重矣故可鼓
者皆在後主于將敬也若鄉射祇習藝燕禮祇達情而已故可鼓
者皆在前以鳴豫也若如注疏所釋則變于君之義何以取乎餘
義並見鄉
飲酒禮
入升自西階北面東上工坐相者坐受瑟乃降見鄉
笙

入立于縣中西面

鄉飲工歌鹿鳴之三獻工乃笙入笙樂南咳之

不間即合樂禮異也注曰笙入者堂下樂相從也縣中謂磬東
也疏曰知不在磬西者若磬西而西面則笙者背磬不可也乃

合樂周南關雎葛覃卷耳召南鵲巢采芣苢工不興告于樂正

曰正歌備

注曰不歌不笙不間者志在射畧于樂也不畧合樂者

以至文王居岐以成王業乃宜周南召南之化刑于寡妻至于兄
弟以御于家邦故謂之鄉樂用之房中以及朝廷此六篇其風化
之原也是以合金石絲竹而歌之不興者瞽矇禮畧也疏曰據鄉
飲酒燕禮作樂凡四節今不歌不笙不間唯有此合樂故云志在
射畧于樂也升歌鹿鳴以下是諸侯之樂樂正告于賓乃降主人
二南是大夫士之樂故以二南為正歌

取爵于上僮獻工

鄉飲歌訖即獻工笙訖即獻笙此不敢不笙故

者堂上正樂畢也降立在西階東北面疏曰告賓言歌備也云正

樂者對後無算樂非正樂也射時雖歌騶虞是堂下非堂上故以

堂上次之云降立西階東北面此無正文約堂大師則為之洗賓

降主人辭降工不辭洗見鄉卒洗升實爵工不與左瑟一人拜受

爵主人降階上拜送爵鄉飲無卒洗薦脯醢使人相祭工飲不拜

既爵授主人爵同鄉眾工不拜受爵祭飲辯有脯醢不祭同鄉不

洗遂獻笙于西階上注曰笙賤雖君賜猶不洗也疏曰工位在上

之笙人猶不為笙一人拜于下盡階不升堂受爵主人拜送爵階

前坐祭立飲不拜既爵升授主人爵同鄉眾笙不拜受爵坐祭立

飲辯有脯醢不祭見鄉主人以爵降奠于篚反升就席鄉飲無此

節○注曰

亦揖讓以賓升衆賓皆升也疏曰前其大夫行禮訖主人揖讓以賓升大夫及衆賓皆升就席此亦然也

本記三笙一和而成聲

和去聲○注曰三人吹笙一人次和凡四人也爾雅云笙小者謂之和

獻

工與笙取爵于上篚既獻奠于下篚其笙則獻諸西階上

見鄉飲

右樂賓

主人降席自南方側降作相爲司正

同鄉飲

司正禮辭許諾主人再

拜司正答拜

見鄉飲

右立司正

主人升就席司正洗觶升自西階由楹內適阼階上北面受命于

主人西階上北面請安于賓賓禮辭許

鄉飲無由楹內適四字餘多文異義同○注曰楹內

西楹北也請安于賓傳主人之命也疏曰受命謂受主人請安賓之命也

司正告于主人遂立于楹間

以相拜主人阼階上再拜賓西階上答再拜皆揖就席

鄉飲司正立于楹間

以相拜在賓答拜之下

司正實觶降自西階中庭北面坐奠觶與退少立

鄉飲

云階間北面才云退拱少立此亦文異義同

進坐取觶與反坐不祭遂卒觶興坐奠觶

拜

鄉飲文互有衍縮義亦同

執觶興洗北面坐奠于其所興少退北面立于觶

南

鄉飲無少字北面字○注曰立觶南亦其故擯位也疏曰云立

擯位者按射禮擯者退中庭擯者中庭有位燕禮大射皆擯者爲司正鄉射鄉飲酒皆作相爲司正則相卽擯也故云復其故擯位也

〔本記〕司正既舉觶而薦諸其位

因舉觶而記薦者嫌鄉飲鄉射經俱未言薦而疑其然也○

注曰薦于觶南也疏曰知不薦于觶北者以司正解南北面立也若薦于觶北與觶相隔矣

右司正舉觶

未旅三耦俟于堂西南而東上

注曰旅序也以將射未以次序相酬也旅酬則禮終矣司正既立司

射選弟子以爲三耦使俟事于此疏曰使俟事于此者記云三耦者使弟子司射前戒之是也旅衆也而言序者謂衆以序相酬也必于未旅酬而射者既司射適堂西袒決遂取弓于階西兼挾乘旅則醉恐不得射也

矢升自西階階上北面告于賓曰弓矢既具有司請射賓對曰某

不能爲二三子許諾

挾音協乘爲並去聲○注曰司射主人之吏也適堂西袒決遂者主人無次取隱蔽而已

袒左免衣也決猶闔也以象骨爲之著右大擘以鈎弦闔體也遂謂射鞬也以韋爲之以遂弦也射時謂之遂非射時則謂之拾拾效也以蔽膚斂衣也持矢曰挾四矢曰乘大射禮挾乘矢于弓外見鉞于弣右巨指鈎弦是也二三子謂衆賓以下也疏曰按大射云司射自阼階前曰爲政請射注云爲政謂司馬也司馬政官主射禮諸侯之州長無司馬直言有司以比司馬也云司射爲主人之吏者大射諸侯禮有大射正爲長次射人次司射又次小射正皆士爲之此士禮不得用士故知主人之吏爲之也主人無次故適堂西若大射人君禮有次在東方不須適堂西矣凡事無問吉凶皆袒左故士喪及大射皆袒左唯有受刑袒右故觀禮乃云右肉袒決以象骨爲之取其滑也決著右巨指以鈎弦遂著左臂以遂弦非射時則遂謂之拾者此篇及大射禮將射皆云袒決遂射

訖皆云說決拾惟于公雖射亦謂之拾大射禮公就物小射正奉矢拾以從彼臨時而云拾者以公射變文以見義也記云凡挾矢于二指之間橫之若側持弓則矢不名挾而名執下文司射值祖決遂左執弓右執一个兼諸弦面鏃注云側持弓矢曰執并矢于弦尙其鏃是也凡物四皆曰乘下云司射指三挾一个又詩云四矢反兮是四矢曰乘記云司射之弓矢與朴倚于西階之西故此誘射就堂西取而挾之也投壺禮賓固辭乃許而此一辭即許者彼因燕而爲之再辭乃許此爲衆習禮不專爲已故一辭即許也司射適阼階上東北面告于主人曰請射于賓賓許請而賓許乃

命射也○疏曰大射不先請者彼爲擇士而射不須賓云許直告射節而已

本記三耦者使弟子司射前戒之

注曰弟子謂賓黨之少者凡前戒謂先射請戒之也

挾矢于二指之間橫之

注曰二指謂左右手之二指挾于其間謂以食指與將指挾之也疏曰云左右

手皆挾之者以二指之間橫之知之也云食指與將指挾之者以左擘指拓弓右擘指鉤弦故知挾矢以第二第三指間也第二指爲食指左傳云于公之食指動是也第三指爲將指左傳云吳王闔閭傷于將指是也

右司射初請射

司射降自西階階前西面命弟子納射器

注曰弟子賓黨之年少者納內也射器凡弓矢

中籌楅豐之屬賓黨東面主人之吏西面疏曰賓黨西方乃納射器皆在堂西賓與大夫之弓倚于西序矢在弓下北括眾弓倚于

堂西矢在其上主人之弓矢在東序東

括古活反○賓與大夫之弓矢亦在西序西主人之

弓亦倚于東序矢在其下北括皆互文也○注曰其上謂堂西之廉也矢亦北括疏曰序在堂上故矢在弓之下堂西在堂下故矢

亦隨其弓而在堂西廉校之上也司射不釋弓矢遂以比三耦于堂西三耦之南

北面命上射曰某御于子命下射曰子與某于射

比毗志反○注曰比者選次其

才相近者也古文曰某從于子疏曰言遂者因上階前令弟子納射器而言也

司正為司馬

注曰兼官由便也立司正

為泄洒耳个射司正無事故又為司馬

司馬命張侯弟子說東遂繫左下綱司馬又

命獲者倚旌于侯中獲者由西方坐取旌倚于侯中乃退

○說脫同注曰

命張侯事至也命獲者為當負侯也獲者亦弟子也謂之獲者以事名之疏曰上雖張侯猶不繫左下綱中掩束之今弟子說其束而繫綱于植事至故也堂下之位主黨在東賓黨在西此云獲者由西方坐取旌則獲者乃賓黨弟子也樂正適西方

命弟子贊工遷樂于下弟子相工如初入降自西階阼階下之東

南堂前三筭西面北上坐樂正北面立于其南

○相去聲筭古可反注曰遷樂于下

當避射也贊佐遷徙也筭矢幹也樂正北面者鄉堂不與工序也疏曰如初入者亦如前升堂之時相者左何瑟而鼓內弦右手相也按矢人注矢幹長三尺三筭則去堂九尺也工西面樂正北面故云不與工序也愚按工在堂上西方故升降皆自西階今則命其遷于阼階下之東南堂前三筭者既以避堂上三綱之射位亦以便堂下三射之奏樂也

〔本記〕司射之弓矢與扞倚于西階之西

注曰倚于西階便其事也疏曰按司射適堂西

取弓矢于西階誘射訖遂適階西取扞至視算于西階西乃釋弓矢去扞故云便其事也愚按下云適階西取扞而納器時不

言卦故司射在司馬之北司馬無事不執弓注曰不執弓以不

言司射與司馬南北相當故記之司射既袒決遂而升司馬階前命張侯遂命

倚旌注曰遂命者若並行事也古文曰遂命獲者倚旌疏曰如

行事故旌各以其物無物則以白羽與朱羽綵杠長三仞以鴻

臚韜上二尋樛女又反紅音江○注曰旌總名也雜帛為物大

物者謂小國之州長不命者也白羽以下謂翽旌亦所以進退

翽疏曰云旌為總名者以周禮司常掌九旗對文則通帛為旌

雜帛為物全羽為旌析羽為旌諸名各別散文則通名為旌亦

通名為旌通帛者通體也終帛局向赤也雜帛者中絳其綵

邊白也大夫士建物亦司常文同建物而云各者諸侯之鄉大

夫是大夫三年向眾庶則司射于座諸侯之州長是士春秋讀

法則習射于座云各者大夫杠長五仞士三仞也又以赤白羽

為翽旌者按典命于男之卿再命大夫一命士不命一命得建

物不命則無物是以別為此旌云翽旌者據下文士鹿中翽旌

兩言記云君國中射以翻旌獲此不命之士乃得與國君同者
士卑不嫌命十以上尊卑則異也又云翻旌亦所以進退衆者
喪大記君葬時執翻居前詔傾虧者也七尺曰伋無正文按書
傳雉長三丈高一丈則牆通高一丈而祭義云築宮伋有三尺
是知七尺曰伋也王肅依小爾雅云四尺曰伋孔疏又云八尺
曰伋所見蓋各不同八尺曰尋亦無正文據冬官車有六等之
數受長丈二而云尋有四尺則尋長八尺矣短謂項也愚按旌
各以其物卽司常職掌九旗之名物之物故云各以其物而無
物則以朱白羽綵杠乃因不命之士無九旗之名物而爲之也
注誤釋物爲雜帛曰物之物則各字不可通而疏乃以杠之長
短別之則所謂順而爲之詞而不自知其率矣採訓爲雜亦不
可解採謂交纏之也七尺曰伋四尺曰伋之訓並失以考工記
匠人考之鰲深廣各一尺遂深廣各二尺溝廣深各四尺洫廣
深各八尺澮廣深各十有六尺今其文云澮廣二尋深二伋則
尋與伋皆八尺而一言其廣一言其深耳由此推之廣八尺曰
尋深八尺曰伋對文也若散文則廣八尺亦通稱伋深八尺亦
通稱尋而諸說之紛紛旌何爲乎餘詳士喪禮銘旌

右司射等命射

凡四節一命納射器二命射
耦三命張侯倚旌四命遷樂

司射猶挾乘矢以命三耦各與其耦讓取弓矢拾

拾其叔反除決拾之外皆同○

注曰猶者有故之辭拾更也疏曰大射有次三耦取弓矢予次不言拾注云取弓矢不拾者次中隱蔽故也此無次命取弓矢拾者更遞取弓矢見威儀也前云司射兼挾乘矢此云猶挾者見司射恒執弓矢未改之意也愚按命各與其耦讓者射以觀德命之揖讓以審其比禮比樂之意此鄉大夫所謂退而以五物詢眾三耦庶者也拾取弓矢亦其中和容之一微故首命之下皆放此三耦皆袒決遂有司左執附右執弦而授弓遂授矢三耦皆執弓搯三

而挾一个

注曰有司謂弟子納射器者也凡納射器者皆執以俟重三耦亦未違俟處也指插也插于帶右疏曰前有司

請射為司馬此有司授弓矢乃為弟子者凡有事者皆為有司此弟子執射器入即使守之以授用者故有司是弟子也上云三耦俟于堂西又云遂以比三耦于堂西則此三耦執弓而挾矢者皆因前位而下文進由司射之西立其西南東面北上者乃移本位也左手執弓右手抽矢而射故知司射先立于所設中之西南東

面三耦皆進由司射之西立于其西南東面北上而俟

中受算之器上文納

射器皆在堂西是也。侯司射東面立于三耦之北，搢三而挾一个。

揖進注曰：搢挾揖進為常。誘射也。司射固東面矣。復言東面者，明卻時還也。愚按：注意卻之言退也。猶避也。旋之言回也。猶轉也。

也。司射原在中之西南東面，因三耦來立于其西南，其時司射卻身避，以便其進，立至三耦立定，隨復回向三耦之北東面而立。

注云：復言之者，明卻時還也。味文義，當是如此而疏說未明，故順其意而發之。當階北面揖及階，揖升堂。

揖豫則鉤楹內，堂則由楹外，當左物北面揖及物，揖注曰：豫當讀如成周宣榭

火之榭，凡屋無室曰榭。今文豫為序，亦非也。周立四代之學，而以

序為鄉學，序為州學，序之制不分堂與室而深，故鉤楹內而及物，

序之制有堂又有室而淺，故由楹外而及物。鉤楹謂繞楹而東也。

左物下物也。疏曰：凡行射禮，耦耦各相對而揖，故司射誘射從東

面之位而揖進也。當西階北面則揖及階，則揖升堂，則揖堂上揖

訖，當行向兩楹間之物，是以豫則鉤楹內而過，記云：序則物當棟，其物近北，故過由楹北也。堂則由楹外而行，記云：堂則物當楹，其物近南，故過由楹南也。當左物者，以南面為正，東為左物也。繞楹自北而東，于是當物則北面揖而及物，則又揖矣。注云：周立四代之學者，按王制有虞氏上庠下庠，夏后氏東序西序，殷人右學左

學周人東膠虞庠周立四代通已爲四代也其小學爲虞之下庠
在西郊其大學有二瞽宗爲殷之右學亦在西郊東膠爲夏之東
序在國中王宮之東而又以虞庠爲鄉學以夏序爲州學此膠庠
序學之屬皆有堂有室而州序有堂無室庠則鄉飲酒義所謂庠
門之外序則周禮州長職所謂會民而射于序是也云豫讀如宣
榘火之榘而今文豫爲序亦非者按成周宜榘火春秋文爾雅云
無室曰榘故引爲証明古文榘爲豫非而今文概以豫爲夏后之
序亦非也通解曰注疏所言四代之學未有以見其必然但豫有
堂無室則榘可見蓋有室則四分其堂去一以爲室故淺無室則
全得其四分以爲堂故深也上射于右故以左物爲下物愚按物
謂射時所立之處云物者猶物色之物左足履物不方足還視侯
大射禮云若丹若墨度尺而午是也

中俯正足注曰方猶併也志在于射左足至右足還併足則是立也南面視侯之中乃俯視併正其足疏曰云志在于射

者解足未正先視侯中之意也言左足至者解經左足履物也言
右足還併足則是立也者解經不方足還乃正足也按大射納射
器之下卽言工人士與梓人升自北階兩楹間疏數容弓若丹若
墨度尺而午此納射器後亦當卽畫之文畧也通解曰按疏解注
文不可曉恐有脫誤注若曰左足履物而右足不併便還是南面
視侯之中而後俯併其足也若便併右足則是立矣以志在相射

故未暇立且先視侯而後併足也愚按疏之誤蓋以不審注文句讀而經意遂晦也注志在于射句是總發大意之詞左足至以下方併其足須便旋視侯中乃俯正其足則可矣若左足至而右足旋併足是則立耳豈志在于射者乎注意反正相足不去旌誘射疏瑣屑為解未體句讀以致此病宜通解正之也

將乘矢

去上聲○注曰不去以其不獲也誘猶教也將行也行四

不去也愚按去謂偃也將舉旌唱獲執弓不挾右執弦南面揖

如升射

為將降而揖也○降出于其位南適堂西改取一个挾之

遂適階西取扑搯之以反位

注曰改更也不射而挾之示有事也扑所以撻犯教者書曰扑作教刑疏

曰上文司射之位堂下所設中之西南東面今自堂降適其位然後自南而北以適堂西者取教眾耦威儀之法故也書曰扑作

教刑謂教學之刑此教射雖不同用扑一也

本記射自楹間物長如筈其間容弓距隨長武

自楹間者謂射于庠也楹間東

西之中也物謂射時所立處也謂之物者物之言事君子所有
事也長如筈者謂縱畫也筈矢幹也其長凡三尺與跬相應也
問容弓者上下射相去凡六尺也距隨長武者謂橫畫也始前
足至東頭為距後足來合而南面為隨武跡也其長凡尺有二
寸也疏曰云射于庠者以其言楹間則是有室而物當楹也縱
畫者南北之長短也一舉足三尺謂之跬再舉足六尺謂之步
尺二寸者中人之跡也恐接物
猶物色之物疏釋為事恐非序則物當棟堂則物當楹五架
正中曰棟次曰櫨前曰殿○疏曰五架
之屋庠序皆然但有室無室為異耳楚升長如筈刊本尺射
者有過則撞之刊其本凡尺刊其可持處也過謂矢揚中人也
者偶中人去傷害之心遠
故以教刑捷于中庭而已

右司射誘射

一命取弓矢二各執弓矢三進揖四
履物五誘射六揖降七改挾凡七節

司馬命獲者執旌以負侯獲者適侯執旌負侯而侯

注曰欲令射者見侯與旌

有志于中也侯待也疏曰凡射主欲中侯中故令獲者
舉旌唱獲疎使見之云侯為待者謂待司馬命去侯也

司射還當

上耦西面作上耦射司射反位上耦揖進

注曰還左還也作使也疏曰知左還者司射位

在堂西所設中之西南東面上耦又在司射之西南東面今司射欲西面與上耦相當故左還迴身當之也反位者反中之西南東面也上射在左並行當階北面揖及階揖上射先升三等下射從

之中等上射升堂少左下射升上射揖並行皆當其物北面揖及

物揖

此承誘射之揖進而言也○注曰中猶間也揖並行並東行也疏曰知並東行者以既升乃言行故知並東行向物也上

射先升少左者避下射升也愚按上中下為三耦而耦有上射下

射此之謂二人為耦也下射與上射為耦故並行上並行從堂西

向西階而升堂下並行從西階向楹間而及物故遞有揖也並行

矣而遞以揖將之者此司射命與耦讓之教而君子之所以成其

德行也中猶間也先升三等從之

皆左足履物還視侯中合足而

俟

此承誘射之履物而言也

司馬適堂西不決遂袒執弓出于司射之南升自

西階鉤楹由上射之後西南面立于物間右執簫南揚弓命去侯

此及下二節承誘射之不去旌而言也去猶遠也○注曰司馬不決遂因不射而不備也鉤楹者以當由上射之後也錯弓末也大射云左執射揚猶舉也疏曰司射誘射行事故祖卽決遂然以扶矢今司馬不射故不備也大射司馬正雖不射而祖決遂然以扶不爲射仍不扶矢也于西楹西鉤轉而北乃東行過上射之後猶所謂豫則鉤楹內也西面而立于物間者取南揚弓向侯便也右執簫不可一手揚弓故引大射文左執射互獲者執旌許諾聲不明之左執引當御手則右執簫當覆手也

絕以至于乏坐東面偃旌興而俟

注曰聲不絕不以官商但不絕而已鄉射威儀省也偃猶什也

疏曰侯者待射者發矢也大射云負侯皆許諾以宮趨直西及之南又諾以商至乏聲止是其威儀多此則威儀省也司馬

出于下射之南還其後降自西階反由司射之南適堂西釋弓襲

反位立于司射之南

還劉戶串反一音環○注曰圍平射而後降反者明爲二人命去侯也疏曰司馬由上射

之後立于物間命去侯訖則自物間南行西向適階而降可矣然如此似直爲上射命去侯耳是以圍繞下射乃西折而適西階明爲二人命司射進與司馬交于階前相左由堂下西階之東北面去侯也

視上射命曰無射獲無獵獲

無射之射音石○此及下三節承誘射之將矢而言也○注曰射獲謂矢

中人也獵獲謂矢從傍也疏曰云交于階前相左者其時在西階之前司馬由北而南行司射由南而東行各以左相近也中人謂

中獲者從傍謂近獲者愚按疏中西上射揖句司射退反位乃射階之前俗本誤作西階之西今訂正

因射而揖因揖乃退因退乃射也上射既發挾弓矢而后下射射拾發以將乘矢

挾謂挾次矢也○注曰后後同獲者坐而獲舉旌以宮偃旌以商獲而未釋獲又

承不去旌而申之也○注曰坐而獲謂射者中則大言獲也以中為獲者射以講武師田之類也故以中為獲宮為君商為臣對相

生也未釋獲者未釋其算但大言獲而已疏曰詩云舍拔則獲謂田得禽獸為獲戰得囚俘為獲射得正鵠亦為獲也舉旌以宮大

言獲也偃旌以商小言獲卒射皆執弓不挾南面揖揖如升射承

也宮為君商為臣樂記文誘射之揖降而言也○注曰上射降三等下射少右從之中等並

不挾者但右執弦如司射也上行上射于左與升射者相左交于階前相揖由司馬之南適堂西

釋弓說決拾襲而俟于堂西南面東上

說脫同○此承誘射之降位而言也階前相左猶司

射與司馬之意矣

三耦卒射亦如之

如之者如其揖射以至卒也

司射去扞倚弓西皆

之西升堂北面告于賓曰三耦卒射

注曰去扞乃升者不敢佩刑器即尊者之側也疏曰大射

司射不升堂亦去扞告卒射者國君彌尊也

賓揖司馬降搢扞反位

注曰以揖然之也疏曰大射不見公

揖者公尊也

本記命負侯者由其位

由其位者于賤者禮畧也○疏曰司馬自在已位而命之是畧賤也經無司馬

命負侯之位故記之

上射于右

于右物射也

始射獲而未釋獲復釋獲復用樂

行之

復扶又反○復又也○注曰君子取人以漸也疏曰云始射獲而未釋獲據始誘三耦射時也云復釋獲據第二番

射云復用樂據第三番射時也

凡適堂西皆出入于司馬之南唯賓與大夫降

階遂西取弓矢

尊者逸也

右三耦初射

一執旌負侯二作射三進揖四履物五去侯備旌六戒射七拾射八唱獲九揖降十釋脫十一告卒

司馬適堂西袒執弓由其位南進與司射交于階前相左升自西

階鉤楹自右物之後立于物間西南面揖弓命取矢

注曰揖推之也疏曰揖猶

推手曰揖之揖揖弓者向侯而推之也以其命取矢故也揚弓者向乏而揚之也以其命去侯故也

獲者執旌許諾

聲不絕以旌負侯而侯

注曰侯者侯弟子取矢而以旌指教之也

司馬出于左物之南

還其後降自西階遂適堂前北面立于所設楬之南命弟子設楬

乃設楬于中庭南當洗東肆

注曰楬猶幅也所以承筈齊矢者也東肆統于賓也疏曰訓楬為幅者義

取布帛邊幅整齊之意故云所以承筈齊矢也大射既拾取矢楬之注云楬齊等之也是也大射小臣師設楬司馬正東面以弓為

畢注云畢所以教助執事者此亦然也東肆者以西為上故云統于賓也記云楬長如筈博三寸厚寸有半龍首注云兩端為龍首

也則楬有首無尾而言西上者蓋有刻飾為首尾與

司馬由司射之南退釋弓于堂西襲反

位弟子取矢北面坐委于楅北括乃退司馬襲進當楅南北向坐

左右撫矢而乘之

注曰撫拊之也左右手撫而四四數分之也上既言襲矣復言之者嫌有事即祖也凡事升堂

乃祖疏曰北括者順射時矢南行也撫者撫拍之義數分之者謂以右手撫四矢于東以左手撫四矢于西也凡事升堂乃祖堂下雖有事亦不祖若司射則不問堂上堂下有

事即祖矣嫌司馬與司射事同故明之也

若矢不備則司馬又

祖執弓如初升命曰取矢不索

注曰索猶盡也

弟子自西方應曰諾乃復

求矢加于楅

注曰增故曰加

本記楅長如筈博三寸厚寸有半龍首其中蛇交韋當楅髮

髮

求反舊章當二字為句楅髮二字屬下節今正楅髮二字屬本節韋當楅為句髮字為句○經言設楅而未言其制故記明之也○注曰博廣也兩端為龍首其中中央為蛇身相交也直心背之衣名曰當以丹韋為之司馬左右撫矢而乘之乃分委于當也髮赤黑色漆也疏曰注云直心背之衣曰當者以其當心中央也云丹韋為之者周尚赤也恩按以當為楅衣固似但謂當

爲直心背之衣則當須讀作襦而歷考字典初無襦作當之文
卽當字義解數十條又無通當作襦之義也况本記以榻字煩
起全文下文又着榻字覺上下文義不協而獨以榻槩二字合
于下節義例彌復未安或讀當爲當車之當章當榻爲句槩句
謂章當榻中而色則槩也此于義爲穩宜從之橫而奉之南面坐而奠之南北當洗經
設榻于中庭而當洗而未言其所設之儀故又明之也

右初射取矢

凡四節一命取矢二設榻
三取矢乘矢四求矢加榻

司射倚扞于階西升請射于賓如初賓許諾如第一番射時司射
適阼階上以至請射
于賓也

右再請射

賓主人大夫若皆與射則遂告于賓適阼階上告于主人主人與
賓爲耦遂告于大夫大夫雖眾皆與士爲耦以耦告于大夫曰某

御于子

與射之與去聲○注曰言若者或射或否在時欲耳大夫

士為耦謙也若惟同爵自相耦則嫌自尊也按下文大夫為下射

而猶云御于子者尊大夫也士謂堂下眾賓及凡群士來觀禮者

也疏曰射禮三而止第一番但司射與三耦誘射不釋算第二番

三耦與眾耦俱射乃釋算矣第三番又兼作樂為射節也告賓主

之辭無正文注所云者約大夫與士射之辭以賓比大夫以主人

比士尊賓之義也命上射曰某御于子命下射曰子與某子射今

大夫為下射而云某御于子者尊大夫故使西階上北面作眾賓

其辭與命上射者同而不與命下射者同也司射降搢拊由司

射獲亦在其中矣云作明與但請告者不同也司射降搢拊由司

馬之南適堂西立比眾耦眾賓將與射者皆降由司馬之南適堂

西繼三耦而立東上大夫之耦為上若有東面者則北上

比必三反○注

曰眾耦通謂大夫之耦及眾賓耦也命大夫之耦曰子與某子射

其命眾耦如三耦言若有者大夫士來觀禮及眾賓多無數也疏

曰注云大夫之耦惟謂堂下之士其辭即上文命下射之詞也多

無數者若眾賓少自以南面為正若多南面不能受則在西邊東

面北上也愚按此三耦即上初射之三賓主人與大夫皆未降司

耦也其餘皆繼之而以大夫之耦為上射乃比眾耦辯遂命三耦拾取矢此必二反辯徧同○注曰言未

未降後三耦卒射乃司射反位三耦拾取矢皆祖決遂執弓進立

降復與耦俱升射也注曰反位者侯其祖決遂來也疏曰按上司射位

于司馬之西南注曰反位者侯其祖決遂來也疏曰按上司射位

司馬之西南亦東面北上也通解曰按此拾取矢三字疑衍愚按

作取矢在下文通解謂此三字為衍者得之或曰三耦為拾取矢

而然大射禮第三射亦司射作上耦取矢司射反位上耦揖進當

先言拾後言作是也注曰作之者還當上耦如作射也當耦謂當耦

福北面揖及福揖注曰作之者還當上耦如作射也當耦謂當耦

還當上耦西面作上耦射取矢亦如之故云如作射也此上耦發

位東行旋一南一北並行及將至耦其時上射稍西下射稍東東

西相當故注謂當福為福正南之東西也愚按當福北面揖者謂

正南之東西北面以揖及福揖不言北面者下賓主人及耦揖注

所謂當福之東西主西面賓東面相上射東面下射西面上射揖

揖也注從省文前後互推之可見

進坐橫弓卻手自弓下取一个兼諸附順羽且與執弦而左還退
反位東面揖下射進坐橫弓覆手自弓上取一个與其他如射
注曰橫弓者南路弓也人東西相嚮南北爲橫上射卻手由弓下
取矢者以其在西東面左手在弓表右手從裏取之便也兼并也
并矢于附者當順羽既又當執弦也順羽者手放而下備不整理
也不言毋周者在非非君則周可也下射覆手由弓上取矢者以
其在東西面左手在弓裏右手從表取之亦便也疏曰云橫弓爲
南路弓也者覆左手以執弓卻右手以取矢便故知不北路弓也
表謂弓背也覆手以執其背一手卻在裏取之故云便也順羽且
與者謂右手順羽之時則與矣左還謂以左手向外面而西面也東
面揖者揖下射使取矢也按大射左旋毋周反面揖注云左還反
其位毋周還而反東面也彼以君在阼還周則下射將背之此直
云左還反位不言毋周明還周可也上射橫弓注云南路弓此下
射橫弓不別注者亦南路弓可知以其覆右手取矢則執弓仰左
手可知惟仰左手向上執弓而南路故覆右手弓上向下而取矢
也通解曰按燕禮司正右還疏云以右手向外面者以所奠解處爲
內而言也鄉射三耦左還疏云以左手向外面者以所立處爲內而
言也大射毋周者既以左手向外面繞其所立之處及將匝乃復以

右手向外而轉身也鄉射周可也者則以左手向外繞共立處以至于西乃不復以右手向外而即便轉身也燕禮右還而未至于西故不言周與不周也上射東向覆手南踣弓既拾取乘矢揖皆則弦向身下射西向卻手南踣弓則弦向外

左還南面揖皆少進當楅南皆左還北面揖三挾一个揖皆左還

上射于右與進者相左相揖反位也注曰當楅南者謂向當楅之位也上射轉居右便其反位也下

射左還少南行乃西面矣相左皆由進者之北也疏曰上云進當楅北面揖今至此位皆還北面也射時升降上射皆居左彼自掌西不復庭位故也此復庭位故上射轉在右下射初北面時東西相當今西行宜並故少南行乃西面取並行也相左相揖者以進取矢者東行此則西行三耦拾取矢亦如之三當作二○疏曰上由進者之北故相左矣三耦拾取矢亦如之耦已取矢復云三耦者三耦之中除上耦實二耦也愚按太

射禮云二耦拾取矢亦如之此蓋誤文後者遂取誘射之矢兼乘

矢而取之以授有司于西方而后反位也注曰取誘射之矢挾五个

後疏曰挾五个者拾取矢皆揖三挾一个此乃并取誘射四矢兼挾之故五个也有司即弟子納射器者留主授受于堂西之西方

今見下耦將司射矢來向位弟子即往逆受之下射乃反向東面之位是以注云弟子逆受于東面位之後也通解曰後者言下耦之下射也東面位衆賓未拾取矢皆祖決遂執弓搯三挾一个由蓋在司馬之西南

堂西進繼三耦之南而立東面北上大夫之耦爲上注曰未猶不也衆賓矢不

拾取者未射無楅上矢也言此者嫌衆賓與三耦拾取同倫也疏曰第一番射時未有拾取矢禮以其第一番唯有三耦射無賓射法楅上無矢可拾取也必初時已有射者司射作射如初一耦揖其後衆賓又射乃有楅上之矢可拾取耳

升如初作射如初如第一番還當上耦西面作上耦射也揖升如初如其司射反位至合足而俟也司馬命去

侯獲者許諾疏曰命去侯許諾不言如初者初命去侯時獲者許諾聲不絕以至于乏再番三番命去侯獲者直許諾

無不絕聲故不言如初也愚按大射云司馬降釋弓反位反位者待請釋

許諾如初此疑省文或曰大射與禮也也

本記取誘射之矢者既拾取矢而後兼誘射之乘矢而取之注曰

謂反位禮成乃更進取之不相因也疏曰注云不相因者既自拾取已之乘矢反位訖上射乃更向前兼取誘射之矢禮以變為敬也通解曰按經云後者遂取誘射之矢兼取之而後反位注乃云反位禮成乃更進取之似相矛盾又上射字亦與後者二字不相應當作下耦之下射也

右再射命射

按再命射視初命射無命納射器命張侯行旌命選樂諸儀而有命拾取矢之文其作射此耦則視

初射較詳矣同名異實云命射者約詞也

司射猶挾一个去杜與司馬夾于階前升請釋獲于賓

注曰獲者有故之辭

也司射既誘射恒執弓挾矢者以射事備當教之也故今三耦卒射猶挾之

賓許降搢杜西面立于所

設中之東北面命釋獲者設中遂視之

注曰視之當教之也疏曰謂教其釋算安置左右及

數算告勝負之法也

釋獲者執鹿中一人執算以從之釋獲者坐設中南當

楅西當西面東面與受算坐實八算于中橫委其餘于中西南末

與其而俟。其拱同。○注曰：鹿中謂射于榭也。于庠當兕中坐實者。反東面實之也。疏曰：州長是士射于榭，鄉大夫是大夫射于庠。下記云：士則鹿中，大夫兕中，是也。南當楅為南北之節，西當西序為東西之節。以其所納射器皆在堂西，執中與算皆從堂西東向，西序之南故執中者既東面設訖還向北面受算。又迴向東面實之也。愚按：末猶尾也，南末者首向北也。

右再射請釋獲

記見下章

司射遂進出堂下北面命曰：「不貫，不釋。」上射揖，司射退反位。貫古亂反。

○注曰：貫猶中也，不中不釋算也。疏曰：中者貫穿布侯，故以中為貫也。釋獲者，坐取中之八算，改實

八算于中，與執而俟。所取算蓋執之以俟釋也。○疏曰：取八算者，人四矢，耦凡八矢，雖不知中否，要須一矢則

一算也。改實八算，乃射禮並如。若中則釋獲者坐而釋獲，每一個

疑後來者用之也。釋一算，上射于右，下射于左。若有餘算，則反委之。中去聲。○注曰：委餘算禮尚異。

也。委之于中西，疏曰：所餘算亦得于後釋，要須委。又取中之八算，餘于地，別取中內八算，不用餘也。故曰：禮尚異也。

改實八算于中興執而俟

〔本記〕鹿中髯前足跪鑿背容八算釋獲者奉之先首

奉上盤○前足跪者

象教擾之獸受所負也○疏曰服不氏教擾猛獸其有合負物者教擾之使屈前足以負若今馳受負則四足俱屈之類也

箭等八十長尺有握握素

箭篠也簞算也簞八十者耦二人人四矢全數以十耦為正其時衆寡從

實也○注曰握素之握謂其本也素謂刊之也刊其本廣一膚也疏曰長尺復云有握則簞長尺有四寸矣公羊氏何休皆云側手為膚又段壺室中五扶注云鋪四指曰扶膚與扶通皆謂布四指也一指一寸四指則四寸

以其物獲士鹿中翽旌以獲

注曰兕獸似牛一角士謂小國之州長疏曰專據大夫而云各以其

物者亦與也恩按通帛曰旌雜帛曰物物亦不同○八旗正黃正白等即通帛錢黃銀白等即雜物也餘記改大射

右再射三耦釋獲

三耦卒射賓主人大夫揖皆由其階降揖

亦皆降而後升射也

主人堂東袒

決遂執弓搢三挾一个賓于堂西亦如之皆由其階階下揖升堂

揖主人爲下射皆當其物北面揖及物揖乃射

賓主人亦當履物正足諸儀乃射不

言省文也

卒南面揖皆由其階階上揖降階揖賓序西主人序東皆釋

弓說決拾襲反位升及階揖升堂揖皆就席

注曰或言堂或言序亦爲序榭互言也賓

主人射大夫止于堂西疏曰上云榭則鉤楹內謂射于榭也堂則

由楹外謂射于序也此當有鄉大夫射于序亦有州長射于序故

今祖決遂言堂東西見在序也在榭亦然釋弓說決拾言序東序

西則榭也在序亦然皆互言之也賓主人止于堂西者記云大

夫降立于堂西以俟射也通序曰按後記云吾祖朱禰大夫祖纁

纁君在大夫射則肉袒然則大夫射有不肉袒士射則皆肉袒與

思按序東序西乃堂端之序凡堂皆有之初非

序與序之序也注疏乃謂序榭互言之蓋誤矣

大夫并不言乃射亦省文

大夫祖決遂執弓搢三挾一个由堂西出于司射之西就其耦大夫爲下射揖進耦

少退揖如三耦及階耦先升

大夫并不言乃射亦省文

卒射揖如升射耦先降

降階耦少退皆釋弓于堂西襲耦遂止于堂大夫升就席耦于庭

尊大夫也在堂如上射之儀近其事得申也眾賓繼射句釋獲句皆如初皆如初者眾

凡釋獲並如初也釋獲如初如上文若中至反委之之司射所作

頻蓋賓主人大夫亦在其中矣或單承上眾賓者非唯上耦注曰于是言唯上耦者嫌賓主人射亦作之也大射禮三

尊但請之不作也記云賓主人射則司射擯升降是雖不作猶為

擯相之但不請也退按司射于三耦初射時作上耦射再射時作

射如初而此賓主人大夫與眾賓射于三耦卒射之餘則但言眾

賓繼射如初其賓主人大夫惟向以所耦告而已此蓋尊之不作

注疏所以發其意也但注疏專指賓主人卒射釋獲者遂以所執

餘獲升自西階盡階不升堂告于賓曰左右卒射降反位坐委餘

獲于中西與共而俟注曰司射不告卒射者釋獲者于是有事宜

也

本記眾賓不與射者不降與去聲○不以無事亂有事也大夫降立于堂西以

俟射尊大夫不使久列于射位也○疏曰謂賓主人先射大夫則立于堂西其耦亦在司馬之西射位大夫俟射至乃就

其耦其耦其耦也賓主人射則司射擯升降卒射即席而反位卒事即席反位

而射事乃平也○注曰擯賓主人升降者皆尊之也大夫與士射袒纁襦耦少退于物不

袒殊于耦也少退下君在大夫射則肉袒厭于

于大夫也既發則然君在大夫射則肉袒厭于

右再則賓主大夫眾賓釋獲司馬初大執弓升命取矢如初如第一番司馬適堂西至命取矢也獲者許諾以旌

負侯如初如第一番獲者執旌至而侯也司馬降釋弓反位弟子云矢如初如第一番

弟子取矢至乃退也大夫之矢則兼束之以茅上握焉司馬乘矢如初如第一番

司馬襲進至而乘之也○注曰兼束大夫矢者優之是以不拾也握謂中央也束于所握之上則兼取之順羽便也不束主人矢不

可以殊于賓也言大夫之矢則矢有題識也如肅慎氏貢楛矢鏃其括是也疏曰束于握之上取持于中央故云順羽便也主人是大夫當束之但不敢殊于賓耳若主人是士自不束也通解曰注疏上握之說未明束之之處當在中央手握在其上則去鏃近而去羽遠取之便易也愚按注疏謂束于所握之上通解謂握于所束之上以上握焉三字推之通解為合兼束字大射作異束疑此誤文當從大射

右再射取矢乘矢

司射遂適西階西釋弓去扑襲進由中東立于中南北面視算

注曰

釋弓去扑射事已也疏曰射未已而釋獲者東面于中西坐先數言已者再番射釋獲功成則為已也

右獲一算為純一純以取實于左手十純則縮而委之每委異之

有餘純則橫于下一算為奇奇則又縮諸純下

數上聲奇音維○注曰因東面矣復

言之者為其少而就右獲也純猶全也縮縱也于數者東面為縱也委謂委于地也異之者校數易也橫于下又異之也下謂近也

遠為上近為下也。縮諸純下。又縱之為異也。疏曰：釋獲者在申西東面，向釋算之時，賓黨于右，主黨于左。今將數算宜就之，是以少南就右獲之，東東面也。凡南北為縱，東西為橫。今東西而三，與自縱者，據數算之人東面為正，故東西為縱，而南北為橫也。

前適左東面坐，兼斂算實于左手。一純以委十，則異之。其餘如右

獲。注曰：一委十，異變于右也。如右謂所縱所橫也。疏曰：右則一取之于地，實于左手而復委于地。此則總實于左手，乃一二取

之于手以委。司射復位，釋獲者遂進取賢獲，執以升自西階，盡階于地，是變也。

不升堂告于賓。注曰：賢獲勝黨之算也。疏曰：以算為獲者，唱獲則釋算，故名算為獲也。若右勝則曰

右賢于左。若左勝則曰左賢于右。以純數告。若有奇者，亦曰奇。注曰：賢猶勝也。言賢者以中為尚也。如右勝告曰右賢于左，若于純若

于奇也。疏曰：若于者，數不定之時，凡數法一二以上得稱若干，奇則一也。一不得稱若干。注因純有若干字而行。

也。通解曰：按孔穎達說，與此不同。詳見下篇。若左右鈞，則左右

皆執一算以告曰左右鈞也。等降復位坐，兼斂算實八算于中，委

其餘于中西與其而俟

疏曰此將為第三番射故豫設之或實或委一如前法也

本記司射釋弓矢視算與獻釋獲者釋弓矢

惟此二事休武主文故釋弓矢耳然

則擯升降不釋

右再射視算

司射適堂西命弟子設豐

注曰將飲不勝者設豐以承爵也豐形蓋似豆而升疏曰按燕禮君尊有豐以

承尊也此云承爵者兩用之也燕禮注豐形似豆卑而大此不言大彼以承尊故言大此承爵不言大或小耳弟子奉豐

升設于兩楹之西乃降勝者之弟子洗觶升酌南面坐奠于豐上

降袒執弓反位

注曰勝者之弟子其少者也不勝之耦不酌者亦無能也酌不手授畧之也不俟其黨而執弓反射

位者已有事于酌也疏曰按下文三耦及眾射者皆與其耦進立于射位今酌者不待其黨與俱進而先反位故注釋其意也已酌

酒有事先就射位而其黨未命以事故不得與酌者同就射位

司射遂袒執弓挾一个揖拊北

面于三耦之南命三耦及衆賓勝者皆袒決遂執張弓不勝者皆

襲說決拾卻左手右加弛弓于其上遂以執附弛尸抵反○注曰執張弓言能用之

也右手執弦如卒射也執弛弓言不能用也兩手執附又不司射得執弦也疏曰上文卒射執弓不挾右執弦故曰如卒射也司射

先反位三耦及衆射者皆與其耦進立于射位北上注曰先反位者俟所命者

來也疏曰三耦等皆止于堂西司射先反位而三耦等皆來就位是得命即來也司射作升飲者如作射

一耦進揖如升射又皆如前也及階勝者先升堂少有不勝者進北面

坐取豐上之觶興少退立卒解進坐奠于豐下興揖注曰先升以尊賢也少右

以避飲者且亦相飲之位也立卒解不祭不拜者罰爵不備禮也蓋右手執觶左手猶執弓矣通解曰按右自北面而言則東也所

以避當飲者使得升取觶也相飲不勝者先降與升飲者相左交

之位謂飲之者立于飲者之右也于階前相揖出于司馬之南遂適堂西釋弓襲而俟注曰後升先降畧之不由

次也俟者俟復射也疏曰射時升降皆上射在先
今以其不勝故畧之也俟者謂俟第三番射也 有執爵者執爵

者坐取解實之反奠于豐上升飲者如初注曰執爵者主人使替

而贊者升自西階立于序端升飲如初者每升輒酌以至于徧也
疏曰初使勝黨弟子酌酒于豐上以發首今云有執爵者明主人

使贊者代弟子酌也贊者謂主黨之賤不射者立于序端大射禮
云退俟于序端蓋上耦既飲贊者乃升自西階酌訖奠于豐上而

立于序端也 三耦卒飲賓主人大夫不勝則不執弓執爵者取解降洗

升實之以授于席受解以適西階上北面立飲卒解投執爵者反

就席不執弓不自取解授爵不坐奠皆優 大夫飲則耦不升若大

夫之耦不勝則亦執弛弓特升飲此耦謂士也特升 眾賓繼飲射

爵者辯乃徹豐與解注曰徹猶除也設豐者反豐

本記主人亦飲于西階上注曰于西階上者亦就射爵而飲也

嫌主人或飲于序故明之疏曰此謂

主人在不勝之黨受罰爵之時也射爵西楹西墜上之爵也愚
按主人經已明言立飲矣此自明其飲時之方位耳舊謂主人
尊恐不受罰爵故言此以明禮射不主皮主皮之射者勝者又
其不可辭罰也其說蓋非

射不勝者降

注曰不主皮者其容體比于禮其節比于樂不待

獲也故曰主皮之射書傳曰戰陳不可不習故蒐狩以閑之也然蒐狩擇取乾豆以祭取餘獲陳于澤然後卿大夫相與射禮之中者向雖不中也取禮之不中者向雖中也不取又以貴揖讓之取而取勇力之取也少儀侍射于尊
長勝則洗而以請凡與敵者射勝則酌置爵于豐令飲而已為侍尊者射故特洗以請之而不敢酌置也
右再射飲不勝者

司馬洗爵升實之以降獻獲者于侯薦脯醢設折俎俎與薦皆三

祭

注曰獻于侯者鄉射獲者賤明其以侯為功而得獻也三祭祭侯三處也疏曰按大射司馬正洗散實爵獻服不服不侯西北

三步北面拜受爵注云近其所為獻也彼國君禮使服不士官唱獲故就其所為唱獲者獻之此獲者賤故獻于侯明以侯為功而

得獻也三處者下文右與左中是也愚按獲者獻與祭與飲之三節其祭于左右个與中飲于左个之西北三步鄉射與大射禮皆同惟獻則鄉射云獻于侯獲者負侯拜受而大射云實爵獻服不氏服不氏侯西北三步拜受此注疏據其文所以明其異禮也細玩却不然夫獻爵于侯負侯拜受謂居侯比三步而不西耳若謂于侯獻受則侯中與左右个皆一侯之內也相去幾何何以云使人執其薦與俎從之適右个耶夫去其侯二步而北面固有負侯之象而惟去其侯三步東往右个故曰執而從之又曰適則獻受之節亦畧同可知矣然則大射鄉射所異者蓋服不與凡獲者異等夫吏庶子與凡設者異獻射侯巾車之屬與凡役者異而侯則壯與西北異也舊注獲者負侯北面拜受爵司馬西面拜送爵注云獻于侯豈其然乎負侯謂負侯之中也拜送爵不同面者避正主也疏曰上文正主獻賓獻眾賓皆與受獻者同北面此不同面故云避正主也獲者執爵使人執其薦與俎從之適右个設薦俎獲者南面坐左執爵祭脯醢執爵與取肺坐祭遂祭酒个音幹○注曰祭侯者獲者人之贊即上設薦俎者也筮在東豆在西俎當其北言使言設新之也祭之亦二手反祭如大射疏曰薦設皆前人而云獲者使人

設薦俎特示新之而已大射禮後者左執爵右祭薦俎二手祭酒
注云獲者南面于俎之北右祭侯于侯西之豆間左爵反注故用
二手恐一手不能與適左个中亦如之注曰先祭左右个後中者
正故也此祭亦然自外至中若神在中也

左个之西北三步東面設薦俎獲者薦右東面立飲不拜既爵注

不就乏而于侯西北三步者明其享侯之餘也立飲薦右近司馬
也于是司馬北面疏曰苦就乏則已所當得今不就乏而近侯者
明享侯之餘也知司馬北面者按下文司馬獻釋獲者釋獲者薦
右東面拜受實曰明北面者按下文司馬獻釋獲者釋獲者薦
者在司射之西北面立飲此獲者不北面飲者按大射注云不北面者嫌為侯卒爵也此亦然司馬受爵奠于簠

復位獲者執其薦使人執俎從之辟設于乏南辟避同○注曰還

已所得禮也設于南右之也凡他薦俎皆當其位之前此則避舉
旌假旌故也疏曰前設近侯者見享侯之餘此近乏者見已所有
事之處故云明已所得禮也右之者以右取之便也凡燕及食并
祭祀之薦俎皆當其位前惟鄉射大射獲者與釋獲者薦俎則避
設不當獲者負侯而俟疏曰侯第
前也獲者負侯而俟三番射也

右再射獻獲者

記見下章

司射適階西釋弓矢去扑說決拾襲適洗洗爵升實之以降獻釋

獲者于其位少南薦脯醢折俎有祭

注曰獻不當其位避中也疏曰祭謂祭肺也釋獲者位在

中西故獻于其位少南以避中也餘見大射

釋獲者薦右東面拜受爵司射北面拜送

爵猶獻獲者拜受拜送異爵位也

釋獲者就其薦坐左執爵祭脯醢與取肺坐祭

遂祭酒與司射之西北面立飲不拜既爵

與獲者坐祭立飲不拜既爵並同而面位亦異

也司射受爵奠于篚釋獲者少西辟薦反位

注曰避薦少西之者為復射妨司射視算

亦適俎也疏曰上獻獲者說獲者執其薦使人執俎從之設于之南此亦當與彼同也

本記獲者之俎折脊脅肺臠

臠奴報反○注曰臠若膊脰殺之折皆以大夫之餘體也疏曰上賓

主已用肩臂唯存臠及膊脰殺若脊脅骨多尊卑皆有之自臠已下則各得其一而已今注具言之者見所取之不定也若無

大夫則獲者得臠若大夫一人則大夫得臠獲者即得臠若大夫二人則獲者即又得胙若大夫三人獲者即又得股若大夫公卿更多則折之不得

整體或更取餘體也

東方謂之右个

个音幹○侯以向堂爲面也

釋獲者

之俎折脊脅肺皆有祭

注曰云皆皆獲者也祭謂祭肺也

右再射獻釋獲者

司射適堂西袒決遂取弓于階西挾一个摺扑以反位

注曰爲將復射也

司射去扑倚于階西升請射于賓如初賓許

如初如第一番及第二番也

右三請射

司射降摺扑由司馬之南適堂西命三耦及衆賓皆袒決遂執弓

就位司射先反位三耦及衆賓皆袒決遂執弓各以其耦進反于

射位

注曰位射位也不言射以當序取矢也以猶與也疏曰知是射位者下云各以其耦反于射位故知此是射位在司射之

西南東面者也。愚按言射位者，以與司射同位也。

司射作拾取矢三耦，拾取矢如初，反位。

如初，如第二番射上耦揖，進至卒射亦如是也。

賓主人大夫降揖如初，主人堂東賓堂

西皆袒遂執弓皆進階前揖及楅揖拾取矢如三耦卒北面揖三

挾一个揖退賓堂西主人堂東皆釋弓矢襲及階揖升堂揖就席

如初，如第二番射時賓主人大夫皆由其階降揖也。○注曰：言退

階前揖者，南面相俟而揖行也。及楅揖者，謂當楅之東西也。

賓東面相揖也。拾取矢不北面揖，由便也。揖退者，已揖左還各

其堂反位也。襲先言賓尊賓也。疏曰：云南面相俟而揖行者，謂各

于堂東西南面立相待，各進階前北面相揖而行也。云不北面揖

爲由便也者，前三耦皆于楅南北面揖，又及楅揖乃拾取矢，今賓

主人但東北相揖而無楅南北面揖，是由便也。云已揖左還各由

其堂反位者，謂賓主北面揖退皆左還相背，各向堂塗反堂東西

之位也。云將襲先言賓爲尊賓者，祖是盡敬之事，襲是修容之禮。

故上將袒先言主人，此襲則先言賓，是尊賓也。愚按上耦拾取矢

之儀，自揖進始，次當楅揖及楅揖，次進若退揖，又次既拾揖左旋

南面揖，北面揖挾揖，相左揖凡九揖而後反位。今賓主人則自揖

降始次皆進揖及楅揖又次既拾楫挾揖次及階揖升堂揖凡六揖而就席其繁簡不同而意畧同也緣爵有尊卑故位有上下司射位在所設中之西南三耦眾賓位又在司射之西南而楅在中庭南當洗視三耦之位稍居東北此所以自其位進旋而東西當楅則北面揖而及楅則又揖也其既拾取也又自楅反其位故其諸揖因之若賓主人大夫其位本在堂上而降堂又自堂東西皆進階前揖則固已北面揖矣其及楅揖而拾取矢揖諸儀則又如三耦也惟其拾矢訖而反堂東西又由堂東西升就席則以位異而儀有異耳

舊頒未亮

大夫袒決遂執弓就其耦揖皆進如三耦耦東面大

夫西面大夫進坐說矢束興反位而后耦揖進坐兼取乘矢順矢而興反位揖大夫進坐亦兼取乘矢如其耦北面楫三挾一个揖

退耦反位大夫遂適序西釋弓矢襲升卽席

其耦謂士與大夫爲耦也○注曰袒決遂

者降袒決遂于堂西也就其耦者就士耦于射位而將與之拾取矢也脫矢束者明將拾取也耦先兼取乘矢而大夫乃兼取者尊大夫不敢與之拾也相下相尊君子所以相接也疏曰知于眾賓堂西者上章賓主人大夫降賓與大夫皆堂西袒決遂也

繼拾取矢皆如三耦以反位衆賓與三耦同就位而三耦取矢在賓主人大夫之先衆賓取矢獨在賓

主人大夫之後者論主輔三耦爲正論貴賤衆賓爲卑也司射猶挾一个以進作上射如初

耦揖升如初如初如第一番第二番也○注曰進前也疏曰上番將射言還當上耦西面不言進此言進不言還者進

時亦還當上耦而作終始互相明也司馬升命去侯獲者許諾司馬降釋弓反位

右三命射

司射與司馬交于階前去扑襲升請以樂樂于賓賓許諾樂于之

○詳見司射降搢扑東面命樂正曰請以樂樂于賓賓許諾注曰東

大射面于西階之前也不就樂正命之者傳尊者之命于賤者遂命之

可也樂正猶北面不還者以賓在堂也蓋亦許諾矣疏曰按大射

司射命樂正用樂樂正曰諾此不言者文不具也云樂正猶北面不還無正文按樂正位東階東南北面大師位東北西面而賓在堂南面故樂正猶北面不還也下文特云樂正東面命司射遂適大師乃自北面還而東面明此時樂正猶北面受命矣司射遂適

階間堂下北面命曰不鼓不釋上射揖司射退反位

注曰不鼓不釋謂射不與

鼓節相應則不釋算也鄉射鼓五節歌五終四節四拾發其一節先以聽也疏曰射人云王以騶虞九節諸侯以狸首七節卿大夫以采蘋五節士以采芣五節是卿大夫士同節也王九節者五節先以聽諸侯七節者三節先以聽卿大夫士五節者一節先以聽其四節皆拾將乘矢而尊者先聽多卑者先聽少者優至尊也凡與尊者同綱則與尊者同節若不同綱則各自用其節樂正

東面命大師曰奏騶虞間若一大師不與許諾

注曰東面者還向大師也騶虞國風

召南之詩篇按射義騶虞者樂官備也其詩曰彼茁者葭一發五矢于嗟乎騶虞蓋樂得仁賢以充其官此天子之射節也而鄉射用之者取其有樂賢之志也間若一者重節也疏曰大師西面樂正北面故進鄉大師乃命之也此篇鄉大夫州長射同用騶虞以同有樂賢之志也間若一謂五節之間長短希數皆如一則是重樂節也通解曰據詩騶虞為仁獸之名詩蓋以庶類蕃殖美因君之仁如之也云樂官備也者蓋漢世諸儒以騶為文王之圖虞為主罔之官故記立此義而鄭注因之與此與詩箋殊相違今姑存之愚按周禮射人職天子樂以騶虞諸侯樂以狸首大夫以采蘋士以采芣今大射諸侯禮用狸首鄉射士禮乃用騶虞者凡禮近

尊者嫌而遠尊者無嫌故諸侯不得用天子之騶虞而士得用之也且如采蘋詩亦公侯之事采蘋詩乃宗室之事大夫祇得自歌其采蘋而士乃得用采蘋亦其意也凡士得用王侯之禮樂正退如此類者蓋多矣猶所謂攝盛之意也考禮者以此推之

反位乃奏騶虞以射

素以射所謂循聲按節而不失正鵠也○疏曰樂正退反南北面位也

〔本記〕歌騶虞若采蘋皆五終射無算

注曰無算者以衆賓繼射初無定數故也皆五終每

一耦射凡歌五終也疏曰謂堂下衆賓繼射者無數若堂上衆賓則三人也愚按經但言奏騶虞而不及采蘋又不言終數故記明之也據周禮及射義天子奏騶虞九節五正諸侯奏騶虞七節三正卿大夫奏采蘋士奏采蘋皆五節二正則奏騶虞當九終經首當七終采蘋以下當五終正也此雖用騶虞而不用其節數蓋亦畧如攝盛之意而不遂失其本制與

右三射用樂

依記改大射

三耦卒射

句

賓主人大夫衆賓繼射

句

釋獲如初

如初如第二番射若中至反委

也卒射降釋獲者執餘獲升告左右卒射如初

射亦如第二番射卒射至與拱而俟也

按大射降下有反位二字此省文

右三射釋獲

司馬升命取矢獲者許諾司馬降釋弓反位弟子委矢司馬乘之

皆如初亦如第一番射司馬適堂西至取矢加于楹也司射釋弓視算如初如第二番射

階西至其餘如右獲也釋獲者以賢獲與鈞告如初降復位

右三射取矢并視算

司射命設豐實解如初如第二番射司射適堂西至反位也遂命勝者執張弓不勝

者執弛弓升飲如初亦如其遂祖至微豐與解也

右三射飲不勝者

司射猶袒決遂左執弓右執一个兼諸弦面饒適堂西以命拾取

矢如初

亦如第一番射司馬適堂西至命取矢也○注曰側持弦矢曰執而猶向也并矢于弦向其鏃者將止變于射也疏

曰側持弦矢曰執對方持弦矢曰挾而言也將止則執一矢兼諸弦將射則兼挾乘矢

司射反位三耦及賓

主人大夫衆賓皆祖決遂拾取矢如初矢不挾兼諸弦附以退不

反位遂授有司于堂西

注曰不挾亦謂執之如司射也不以反射位而遂授有司者射禮畢也疏曰執之則

如司射其兼諸弦附則與司射異也愚按大夫不拾取矢今皆云拾未詳蓋前云拾者每人更取一矢而此云拾者乃每人更取諸

矢與辯拾取矢揖皆升就席司射乃適堂西釋弓去扑說決拾襲反

位

說脫同下同○司射之扑本在階西今去扑于堂西以其不復射故也

司射命弟子說侯之左下

綱而釋之命獲者以旌退命弟子退楫

脫而釋之者不復射掩束之也諸所退者皆侯于堂

西備復射也旌言以退者旌恒執也獲者釋獲者亦退其薦俎○疏曰上初張綱侯時不繫左下綱中掩束之今但脫左下綱而釋

之明未全去也若有射則行燕射之禮旅酬以後乃為之也愚按疏蓋以燕禮因燕而射故引之也但此燕禮後請射射後乃旅

酬今云旅酬以後乃射者以鄉射禮旅酬
乃燕故率言之耳以薦俎退大射禮文
司射命釋獲者退中與
算而俟

右射禮畢

司馬反爲司正復解南而立當監旅酬也樂正命弟子贊工卽位弟子

相工如其降也升自西階反坐注曰復贊工還樂也如者如初入也反者樂正反自西階東北面也

疏曰前爲將射遷工于東方西面樂正于其北面今將旅酬作樂故復遷升于堂上也云如其降爲如初入者經直云如其降降時威儀不見故復取如初入言之初則上文工四人已下是也樂正初升立西階之東合樂訖降立如之還樂于下其降又如之故今如其初入以升而賓北面坐取俎西之解興阼階上北面酬主人反其堂下之位也

主人降席立于賓東賓坐奠解拜執解興主人答拜賓不祭卒解
不拜不洗實之進東南面主人阼階上北面拜賓少退主人進受

饌賓主人之西北面拜送賓揖就席

鄉飲云實解東南授主人主且無兩北字餘亦小異

人以解適西階上酬大夫大夫降席立于主人之西如賓酬主人

之禮主人揖就席

禮如賓之酬主但其既實解則進西南面立向所酬也

若無大夫則長受

酬亦如之

長上聲○注曰長謂以次酬衆賓之長也疏曰有大夫先酬之若無大夫則酬三賓之長耳以鄉射無介直有

賓長以次受酬也

司正升自西階相旅作受酬者曰某酬某子受酬者降

席司正退立于西序端東面衆受酬者拜興飲皆如賓酬主人之

禮

鄉飲有酬介無酬大夫衆受酬者下有受自左三字○注曰某者字某子者氏也稱酬者以字稱受酬者以子尊之也始升相

立階西北面疏曰受酬者雖卑于酬之者然司正命之飲酒則謂

酬之者爲某稱其字也謂受酬者爲某子稱其氏也是其稱乃尊

並見鄉飲辯遂酬在下者皆升受酬于西階上卒受者以解降

奠于饌司正降復位

下謂堂下○注曰在下者謂賓黨也鄉飲酒記主人之贊者西面北上不與無算爵然後

與疏曰賓黨在西主黨在東主黨不與酬故知賓黨也司正降復位者司正掌監旅酬訖降使二人舉觶于賓與大夫為無算爵始也

本記古者于旅也語

語者語先王禮樂之道也疾今人慢于禮樂言語無節故追道古也

凡旅不

洗不洗者不祭

已見鄉飲

既旅士不入

注曰士入齒于鄉人疏曰士立于下故齒于鄉人也○餘

見鄉飲

右旅酬

使二人舉觶于賓與大夫舉觶者皆洗觶升實之西階上北面皆

坐奠觶拜執觶興賓與大夫皆席末答拜

舉觶于賓與大夫猶舉鄉飲舉觶于賓介也

觶者皆坐祭遂飲卒觶興坐奠觶拜執觶興賓與大夫皆答拜

視

飲多舉觶者三字不言席未省文也亦猶鄉飲也

舉觶者逆降洗升實觶皆立于西階上

北面東上賓與大夫拜

同鄉飲

舉觶者皆進坐奠于薦右賓與大夫

辭坐受觶以興舉觶者退反位皆拜送

注曰坐奠之者不敢授也辭者辭其坐奠也疏曰賓

與大夫皆席西南面答拜將飲于右故奠于薦右也必奠之者贊者卑故不敢親授觶也必辭者贊者不敢親授賓與大夫不可自尊故辭之也不言取而言受者亦若親受之于其人者然也乃降賓與大夫反奠于其所興

注曰不舉者禮已崇也餘見鄉飲

若無大夫則唯賓

同鄉飲○注曰若無大夫則長一人舉觶如燕禮膝爵之為也

疏曰二人舉觶為賓與大夫今若無大夫則長一人舉觶如燕禮先以二人膝觶至旅酬復使二人而君命長膝一爵也彼旅酬此為無算爵其禮不同但一人是同故引為証也

右舉觶賓與大夫

司正升自西階阼階上受命于主人適西階上北面請坐于賓賓

辭以俎反命于主人主人曰請徹俎

鄉飲有主人曰請安于賓而無反命于主人句

賓

司正降自西階階前命弟子俟徹俎

鄉飲無自西階三字。○上直言司正請坐于賓此直言主

人曰請徹俎互相備耳。○疏曰凡辭皆司正請命于主人乃傳主

人之命于賓今上文司正請坐于賓直見司正傳命之辭不見主

人之命辭此主人曰請徹俎直見主人之

命辭不見司正傳命之辭是互相備也

司正升立于序端賓降

席北面主人降席自南方阼階上北面大夫降席席東南面

序端

作席端大夫作尊者而無自南方三字。○注曰升立者俟弟子升受俎也

賓取俎還授司正司正以降

自西階賓從之降遂立于階西東面司正以俎出授從者

從者之

鄉飲禮無出授從者句亦互見之文。○注曰從者賓家從來者也

古者與人飲食必歸其盛者所以厚禮之也疏曰鄉飲酒燕禮大

射公食大夫皆歸其俎俎是殺之貴故云歸其盛者也

主人取俎還授弟子弟子受俎降自

西階以東主人降自阼階西面立

主人俎不言出授者自

俎其弟子自取之矣

大夫取

俎還授弟子弟子以降自西階遂出授從者大夫從之降立于賓

賓

賓

賓

賓

賓

賓

賓

賓

賓

賓

賓

賓

賓

賓

賓

賓

南鄉飲云使人受眾賓皆降立于大夫之南少退北上鄉飲但云

如賓禮此較詳○疏曰賓主人大夫有俎皆從俎而降眾賓雖無俎亦為將燕故同降也

右將燕徹俎

主人以賓揖讓說屨乃升大夫及眾賓皆說屨升坐說脫同○注

振衣疏曰說屨當低身若不振衣恐衣被地履之也此衣即裳也對文上曰衣下曰裳散文衣裳通乃羞無算爵同

飲使二人舉觶賓與大夫不與取奠解飲卒解不拜注曰二人謂

使之舉解者以賓與大夫將旅也立卒解者固不拜既爵矣嫌坐卒爵者拜既爵故著之禮既殺不復崇也疏曰經賓上有于字者

誤此解仍是前二人所舉今使二人舉發行無算爵而已非新舉解也故舉解以上為句賓與大夫以下為句愚按此使二人舉解

而向薦右之解尚與賓與大夫不復與而執解者受解遂賓遂于坐取飲而授之也疏訂于字之誤以此

之賓解以之主人大夫之觥長受而錯皆不拜長上聲○注曰長

眾賓長也錯者又

賓主人之觴以之次賓賓賓長之觴以之次大夫也其或多者迭飲于坐而已皆不拜受禮又殺也疏曰眾賓之長在賓西者三人耳大夫席于賓東若亦三人則與眾賓等得交錯相酬若賓多于大夫及大夫多于賓則數不相當其相當者遞酬而餘人多者無所酬亦自相酬迭飲而已上二人舉觴賓與大夫蓋猶拜受但飲卒不拜為殺耳今眾賓與大夫皆不拜并不拜受故言禮又殺也辯卒受者與以旅在下者于西階上長受酬酬者不拜乃飲卒解

以賓之受酬者不拜受

注曰卒受之人以旅在下者謂眾賓之末飲而酬主贊大夫之末飲而酬賓黨亦相

錯也卒受之人以旅而不使執解之人酌者以其將受酬不以已尊孤人也其末若皆眾賓則先酬主贊若皆大夫則先酬賓黨其執解之人酌在上者辯亦降復位也言酬者不拜嫌酬堂下異位當拜也言受酬者不拜見禮殺雖受尊者之酬猶不拜也疏曰辯謂堂上眾賓已上皆飲訖也以旅在下者謂最末後飲者以旅堂下亦若堂上之交錯也堂上皆坐行酒至此則末飲者自立階上以旅在下故云不以已尊孤人其時大夫或少或無則眾賓為末飲或大夫多則大夫為末飲也知執解之人亦降復位者二人舉觴酌堂上眾賓已辯其堂下皆自酌相族此二人無事故降復于東階西而北上之位將皆與族矣鄉飲酒記所謂主人之贊者無

算爵然後與下文所謂執觶者皆與旅是也辯旅皆不拜者主人
長謂堂下或賓黨之長或主人贊者之長也
之贊者于此始執觶者皆與旅卒受者以虛觶降奠于篚與去聲
旅嫌有拜也
皆與旅者嫌已飲不復飲也上二人西階上卒觶使執觶者洗升
之勸人耳非逮下之惠也故亦自以齒與于旅矣
實觶反奠于賓與大夫復奠之者猶勸其飲也○注曰燕無算樂
以飲酒為歡醉乃止主人之意也
同鄉飲

右燕

賓興樂正命奏咳賓降及階咳作

鄉飲但云賓出奏咳

賓出眾賓皆出主人

送于門外再拜

鄉飲亦無賓出眾賓皆出句

本記大夫後出主人送于門外再拜

大夫後出者下鄉人不干其賓主之禮也亦拜送尊

之也主人送賓還入門揖大夫乃出送拜之也○疏曰後出是大夫意拜送主人意也

右賓出

明日賓朝服以拜賜于門外

朝音潮○鄉飲云鄉服義詳鄉飲

主人不見如賓服

遂從之拜辱于門外乃退

鄉飲無不見乃退四字不相見不褻禮也乃退蓋亦不見也

右拜賜

主人釋服乃息司正無介

注曰息者以其昨尤勞倦而息之猶月令勞農休息之意也釋朝服服玄端也

玄端即朝服之次但易其裳耳餘並見鄉飲

不殺

同鄉飲

使人速迎于門外不拜入升不

拜至不拜洗

速召也明不親戒也鄉飲無此數條蓋亦互文

薦脯醢無俎賓酢主人主人

不崇酒不拜眾賓

無俎賓以下鄉飲無

既獻眾賓一人舉觶遂無算爵無司

正

此節鄉飲並無○注曰言遂者明其各闕也一人舉觶賓坐莫

解于其所擯者遂請坐于賓賓升坐矣無司正蓋使擯者也疏曰云多闕者謂一人舉觶之下有工升歌立司馬為旅賦賓不與及二人舉觶請徹俎等事而乃及于無算爵此皆闕也

賓不與

徵唯所欲以告于鄉先生君子可也

與去聲○並見鄉飲但鄉飲賓下有介字先生上無鄉字

耳按疏于鄉飲謂先生為老人教學者于此謂鄉先生為羞唯所鄉大夫致仕者蓋古者鄉先生致仕而教學義亦同也

有鄉樂唯欲

同鄉飲

右息司正

義禮記射義古者男子生桑弧蓬矢六以射天地四方

方者君子之所有事也故必先有志于其所有事然後敢用穀

也飯食之謂也

飯上聲食音嗣○此首發射之大義以明志也桑為弧蓬為矢天地四方凡六矢也○注曰男

子生則設弧于門左三日人為之射乃食之也呂大臨曰天地之性人為貴男子服人而不服于人天地四方之大皆吾之所

有事不則幾于非男子矣故于其始生以桑弧蓬矢六射天地四方也士不可無事而食故君子寧功浮于食不欲食浮于功

有事于天地四方而後敢用穀則功故射者進退周還必中禮浮于食而無愧故因射義而發之

內志正外體直然後持弓矢審固持弓矢審固然後可以言中

此可以觀德行矣

此大發射之本義以明德也審詳審固堅固也○注曰內正外直習于禮樂有德行者也

正鵠之名出自此也呂大臨曰孔子曰射不主皮爲力不同科古之道也蓋有禮射有主皮之射禮射不主皮所謂大射鄉射是也主皮之射主于獲而已尙力不習禮也禮射必先比耦耦有上射下射皆執弓而搢挾矢其進也當階揖及階揖當物及物皆揖其退也亦如之其行有左右其升降有先後其取矢也始進揖當楅拊及楅拊取矢于楅拊卒取矢又揖既搢挾揖退與將進者又揖其射也橫弓卻手兼引順羽拾取而後發及卒射而飲也勝者祖決遂執張弓不勝者襲說決拾加弛弓升飲相揖如初則進退周旋必中禮可見矣夫先王制禮豈苟爲繁文末節使人難行哉亦曰以善養人而已君子之于天下必無所不中節然後成德必力行而後有功苟恭敬之心不勝則怠惰放慢之氣生動容周旋不能中乎節體雖佚而心不安安所不安則手足不知所措放辟邪侈踰分犯上將無不至天下之亂自此始矣聖人憂之故常謹于繁文末節以養人于無所事之時使其習之而不憚煩至于久而安之則非法不行無所往而非義矣君子敬以直內義以方外存乎內者敬形乎外者莊

內外交修則發乎事者中矣射一藝也容比于禮節比于樂而不失征鵠者是必有樂于義理久于恭敬用志不分然後得之則所以得之者其德為何射者仁之道也求正諸已已正而後如哉故曰可以觀德行矣

發發而不中則不怨勝已者反求諸已而已矣

此申上志正體直之義也呂大

臨曰仁者不怨天不尤人行有不至反求諸已而已射者求中有似于此故曰射者仁之道也射正已而後發不中而不怨勝已者知所以中莫不在已也愛人不親治人不治禮人不答則反尤諸人者蓋不以仁為已任故也君子無所不用其學故于射也得反孔子曰君子無所爭必也射乎揖讓而升下而飲其已之道

爭也君子

此申上進退周旋必中禮之義也下降也集註曰言君子恭遜不與人爭惟于射而後有爭然其爭也雍

容揖遜乃如此則其爭也孔子曰射者何以射何以聽循聲而

發發而不失正鵠者其唯賢者乎若夫不肖之人則彼將安能

以中

正征同○此總發射而中于禮樂才與德兼備之義也聲謂樂節也○疏曰何以射何以聽者言射之人何以能使

射中而又何以能聽此樂節使與射相合也蓋言其兩相應爲難矣呂大臨曰射以樂爲節射者欲其容比于禮而節比于樂也故曰何以射何以聽體之所動不在乎他耳之所司不及乎他是謂用志不分不過乎物惟是道也將無入而不自得況于射乎居是位行是事也其心或之乎彼或之乎此一出焉一入焉將無往而可也故射雖一藝也而可以分賢不肖者以此公詩云發彼有的以祈爾爵祈求也求中以辭爵也酒者所以養

老也所以養病也求中以辭爵者辭養也

此又申射以明志之義而反言以明之也

呂大臨曰射禮勝飲不勝所以爭勝而辭飲也君子責己重而責人輕我之不中則反求諸己曰非病也不能也心平體正持弓矢審固而不失正鵠者惟賢者能之而我何不能也其責己重也彼之不中則曰非不能也病也酒者所以養老與病也彼有病故以禮相下以飲之此責人輕也詩云發彼有的以祈爾爵求中以辭爵則所爭者乃所以辭也爭辭養所以爭辭利也孔子射于矍相之圃蓋觀者如堵墻而極言以推之也矍相地名藝疏曰圃如堵墻言衆也言觀者之衆以起下文延射而入者之少也射至于司馬使于路執弓

矢出延射曰責軍之將亡國之大夫與為人後者不入其餘皆

入蓋去者半入者半

責讀爲債將與並去聲○射至于司馬者凡射先有司正主禮次有司馬以主射司

射以主延其時以司正爲司馬而司射乃出延射也于路孔子弟于仲由也延進也進觀者使射也債猶覆也與猶干也或曰猶參也既有爲後者而又求爲人後而參之也債軍不勇亡國不忠與爲人後不孝于路陳此三者而觀者畏其義而多去也

又使公罔之裘序點揚觶而語公罔之裘揚觶而語曰幼壯孝

弟耆耄好禮不從流俗修身以俟死者不在此位也蓋去者半

處者半序點又揚觶而語曰好學不倦好禮不變旄期稱道不

亂者不在此位也蓋勵有存者

者不絕句不平聲勵音僅○公罔裘序點二人姓名之發聲也

揚舉也語如古者于旅也語之語謂語說義理也十年曰幼三十曰壯六十曰耆八十曰耄處猶留也九十曰旄百年曰期稱猶言也○蓋曰者不之不與不同不字絕句言二人舉解普衆問衆人之中有此上諸行者否有則可在此賓位也始出延射

惡者不令其人至射畢皆在賓位故不復斥言其惡但簡其善也呂大臨曰孔子溫良恭讓其于鄉黨似不能言未聞拒人如是之甚延射場解之語疑門人逆料聖意而爲此說而不知非聖人之意也如記稱我戰則克祭則受福孔子固優爲之而謂孔子自言之則非也僖君之將亡國之大夫皆有負于國者也至爲人後者爲所後斬衰則爲其父母降期本非人子所欲特迫于不得已而爲之若有所利而求爲之後見利而忘親本君子所不取也幼壯孝弟者壘好禮不從流俗修身以俟死者德有立矣好學不倦好禮不變旋期稱道不亂者德有成矣士之立于世無惡者寡無惡者有之有立者寡而成德者尤寡矣在此位也衆之所會聚簡別賢不肖人所難言也故以疑詞示之通解曰按家語兩處並無不字

王國鄉射禮

闕今將周禮鄉大夫職記于左若其禮則以侯國鄉射禮推之可也

記鄉大夫三年大比興賢者能者以其禮禮賓之厥明鄉老及鄉大夫群吏獻賢能之書于王退而以鄉射之禮五物詢衆庶

義見前

侯國學射禮

王國學射禮

此王侯與其國子習射于學之禮而今並闕也今採周禮諸子職記于左

記周禮諸子掌諸侯卿大夫士之庶子之卒掌其戒令與其教

治別其等正其位

諸禮記作庶諸子周禮政官司馬之屬卒未詳注讀作倅則貳之義或曰讀如字即下文

合其卒伍之卒也戒

國有大事則率國子而致于大子惟所用

之若有甲兵之事則授之以車甲合其卒伍置其有司以軍法

治之有司勿正

國子即庶子也正征同此以上謂其已仕者也

凡國之政事國子存游

卒使之修德學道春合諸學秋合諸射以考其藝而進退之

卒

謂未仕者也學謂大學射謂射宮○按此周禮諸子職文戴記誤列在燕義之首今考此職言射並不言燕而注不知其誤乃謂燕禮有庶子官是以載于燕義也其亦曲矣夫此職乃教國子合射之禮皆明鄉射義或可通而知之何乃誤于燕義乎終